



1 4
1555
230

230



門 11
號 1555
卷 230

梧溪集卷第五

江陰王逢原吉

哀尹伯奇一首寄楊鐵厓又序

鐵厓楊先生嘗錄寄擬古操十且徵同賦逢豈敢當

姑哀尹伯奇一首荅之今附其四操其箕山操擬巢

父作曰箕之山兮可耕而樵叶四箕之水兮可飲而

游牽牛何來兮飲吾上流彼以天下讓兮我以之逃

叶投世豈無堯兮應堯之求吾與堯友兮不與堯憂

其前旌操擬衛壽伋作曰爾乘舟兮河水濁且深我

昭和十九年
四月十日購本

同舟兮誓與爾同沈 母有命兮諫不我聽 示旌以盜
兮我先以旌衛有國 兮國在兄殺兄及我兮我不如
無生其履霜操擬尹 伯奇作曰霜鮮鮮兮草芟芟兒
有罪兮兒宿野田衣 荷之葉兮葉易穿採芴花以食
兮食不下咽天吾父 兮天胡有偏我不父順兮父寧
不見憐履晨霜兮泣 吾天其殘形操擬曾子作曰我
夢有獸兮其獸曰狸 狸有怪兮身首異而告我以凶
兮戒而戒而我丘有首兮誓死完以歸逢辭曰
比屋可封兮孝微稱 里華大孝兮後莫有承孝後母兮

伯奇權輿彼芴荷兮天將用符晨霜涉兮尚俾寧遺軀

擬古二首寄題金陵林氏永思堂

春陽熙熙從侯于淇祿積萬鍾車服是維彼淇有源伊
誰無親負米爲養曾不滿豆殮淇水委委霜露塵塵載
望故丘心曷能已 右擬子路作

秋日杲杲有培者棗載見之華及實之老言采于庭於
祭于筐參也可嗜考也可忘口奉惟薄體愛惟厚庶幾
全歸狐正丘首 右擬曾子作

張氏通波阡表辭 有序

張氏宋丞相商英裔也高宗渡南子孫遂居杭之菜
市八世祖某遊松愛干山櫻珠灣家焉六世祖八七
居士又自灣遷鳳山陽祥澤匯躬職農畝奉親孝生
通儉朴恬慎事繼母猶所生子遇冬雪掃隙地撒粟
以食凍禽翔集者千數通往來慈烏或有翼而隨者
壽九十三生顯博閱書傳尤精梵典及星歷山經地
誌之學攻苦罄澹如父風與儒釋倡和詩偈若干首
傳於鄉壽八十四生俊廣額豐耳美髯鬚音吐如鐘
涉子史學長於刑書中慈而外剛見善若嗜欲惡則

視如仇然鄉閭以其弗諾爲曲直人負不平不之邑
而之俊咸稱之曰張片言尤好施振貧救難鑿義井
造一建大石梁者三壽七十生三子愷悌瑤愷生
子曰龍曰鳳悌生子曰興曰駐瑤謙厚長者卹護一
方生子曰麒女曰妙齡適盧祥龍生宗仁宗禮鳳生
宗義興生英麒生斌桓麒讀書好禮以宗譜未脩懼
喪亂之餘彌遠彌失乃卽祖冢通波之原徵前進士
會稽楊公維禎爲阡表復徵逢撰家廟辭勒之碑陰
可謂知所本也夫積善慶澤流行五世迨麒緒業益

脩華聞益著公侯復始於是乎在辭曰

鳳之秀兮維陽盤渦狀兮萃嘉祥田膏壤沃兮物無疵
癘天祕地藏兮鬱鬱吉岡暑寒兮露雨甘有醴兮肥有
粃紛頽白兮降登蘭忻忻兮玉語語雲陰凝兮風淒色
悅凍禽兮下粒食伐石剗木兮以梁以舟民免揭厲兮
鯉擾馴安流眷門闕兮宋相裔德深植兮善廣藝顧無
往兮不復被服纓袞兮再世其世

荒寒寂寞圖為分湖陸緒端叔題

風捲蘆水返壑天同雲兮雪零落彼何人兮斯旅泊樂

夫荒寒寂寞惟寂寞遠囂郭惟荒寒謝朝冠于以終盤
桓

濯足小像辭有序

天台陶氏九成宗儀號南村居士明經博學養高雲

閒予甚友善嘗為贊騎牛像曰望一男子冠裳清灑
有青其犍騎之林下於時白雲冒嶺黃落被野後則
加鞭前則執靶雖心乎甯田官而於齊小白為曠世
之交雖跡乎梁進士而於高無賴無半面之雅蓋將
德業丘山富貴土苴尚友飲水上流之樊父度關西

游之老也歟今是像復題辭云

水漉漉其流為谷爾濯爾足載捫爾跣兮無朔漠之瘵
谷沈沈其水則淺爾足爾澣載撫爾踵兮無關山之跣
維沐彈冠兮維浴振衣傲屣忍棄兮疇知幾微孺子設
作兮滄浪同歸

審安齋二首 有序

顧或孔文扁齋廬曰審安予為賦詩揭座右以傲
焉

有皎者駒刷朝秣哺置之通衢弗蹶弗痞子其驅右

者衣長珮帶垂蒙犯煙墜以垢以緇子其辭噫富貴

來尚相夫宜兮

有圭者窳蒿蓬其居風雨攸俱四壁以虛而子晏如有
礪者田勞力其千兵荒無年甌石以眠而子恬然噫貧
賤不遷斯樂夫天兮

知愧吟一首

日吾齋兮書琴夕吾園兮冠衿冬游熱兮春載陰薜絡
堦垣兮菌彌中林弧無弦鏘兮天狼角岑屯泣旅瑣瑣
兮楚音越吟啜醑于鮓兮作糜于鬻奚弗知愧兮猶有

蓬心

後最閒園辭

雜題附

天工覆兮地工載予最閒兮鼻之大喪亂仍兮婁栽悔
才力耗兮壯志怠霜露氣變陰草木流哀音淵逃頽尾
魚野啄毳毛禽弗嘅以慷兮而歎且吟斯吟歎兮樂哉
恆心

有藻兮綠池類雞蘇兮葉華滋彼袞摛兮枕施子芼
湘兮祖禰其祠月中天兮夜何其尚日新兮致思
德池

蛾眉兮曼睩聯翠袖兮湘澳有夫君兮配天淚奚必
兮染竹水落兮歲晚子倚石兮茲坂手參差兮長年
鳳不回兮愈遠
右懷湘坂

鳥下上兮和鳴花醞醇兮交榮日奄忽兮曾幾花就
實兮鳥鷖鷓鳥鷖兮魚亦有鱗幽草芳氣兮嘉藻
綠滋世有殷周兮麥秀黍離墟傷道閔兮隘者其誰
白駒考槃兮子淑諸私
右樂意生香臺

谷之小兮不量駝之卑兮不樹梧櫨谷之僻兮
庸衆攸舍散木蒼兮亂石甜鬧庶全幽貞兮日尚

羊其下 右幽貞谷

鑠石兮金流汗與喘兮莫匪馬牛古苔畝青兮岡木
挺脩涼飈沃如兮心神天游天無獨私兮馬牛其休
右濯風所

雲結兮歲殘木脫兮草乾天地坯塞兮冰雪互寒閉
關而臥兮莫敢士干莫敢干兮安所守也士之周兮
亦可受也 右臥雪窩

中園兮溝斷跨石梁兮入竹坂春雨歇兮綠苔滿桃
嗔霞兮蒲刺水短忍濯足兮釣言消憂翠碧交飛兮

天宇淨流境則勝兮終不如故丘 右流春石

石巖若兮嵌蒼勢迴瞰兮扶桑脫神鞭兮既驅將與
延兮朝光霧縠維朝兮機熒維夜草春怒長兮陰木
翳夏宵日觀兮東岱邈雲臺兮西華天風泠泠兮空
翠吹下靈或胥降兮攝衣擬謝金雞鳴兮於焉鳳駕
右海曙巖

澂懷三壘 有序

柘湖章仁正氏敦善禮士有琴一其陰贊曰淳風雖
邈正聲可招澂懷而作太古非遠予嘗掇澂懷顏其

樓居前進士錢公思復記之且屬子三疊辭俾弦而歌云辭曰

伊美人兮好脩表嘉名兮茲樓謝璇題兮蘭椽帶蔬畦兮稼疇虹霓飲兮柘津魚鱉安兮橫湫山迢迢兮屏列木翹秀兮幄周琴一疊兮旭且神超然兮天游

惟高明兮樓棲惟善良兮德躋充珍琳兮圖史遠堪囂

兮輪蹄酒介壽兮伯氏古愚穀網直兮編黎魚影行兮

藻囚雞聲悄兮桃溪琴再疊兮晝寂豁然呈兮端倪

懷之澂兮樓躡本漸義兮澹慾煙干突兮彌繚雨一成

兮匆匆沃開北海兮碩尊送中散兮遐日龜何曳兮泥屣

馬胡跋兮塵足諒勞生兮焉休庸詠歌兮于最琴疊三

兮斯夕月八窗兮露肅

懷哲操有序

一懷哲美買閭教授敬親愛弟也惟敬愛也不以禍亂

窮羈少渝焉構堂名一樂前朝儒公卿頌述備至而

琴操缺遺故予補之云

朝堂兮誦書思君陳兮履絢暮聞兮詠詩思張仲兮履

綦天道兮人事柄鑿兮齟齬茲樂兮益難匪人兮天與

孝友哉先哲兮是懷弦琅琅兮允諧樂安得分众偕

王吾有其先三世冒何姓吾有復之題復姓卷

苦人滅鄩兮范母適朱君子有不幸兮奚獨是夫王氏
鬼餒兮魂神罔徂餘慶在孫兮克孝克儒吁三世復兮
一念孚

李廷重先隴詩 有序

李氏世居揚曾大父汝楫墓在江都常樂鄉漫鑿橋
之原大父邵棠耐焉大母周遭亂殯平山西金匱之
原考秀成藏同軌鄉仙人溝之上妣王歿於戊申秋

七月明年旅葬吳縣石湖山之北汝楫子五可知者
邵棠也邵棠子二長秀實次秀成秀實子三長璠次
璠次珍璠子曰達道秀成子四長璧次瑄次瑞次璋
璧子五曰恒曰錫曰剛曰貞曰載瑄子二曰晉曰升
璋子二曰益曰謙璧過子拜泣曰璧不幸荐罹兵變
自揚僑於蘇者十年載僑松者五年既未獲遷母櫬
旋故丘又懼世裔所自出塋兆之所在歲遠茫昧且
犬馬齒衰脫旦暮委道路則第姪散仕四方者無所
考徵願有請予聞李氏素富殷薄有祿位於構殮飯

飢衣寒藥疾義風行一門三葉追璧廣問學而敦本
復若是乃爲序其言貽之詩曰

蓬累穀食兮聖尼墓始封兮識之嗟世季兮纍纍豸
人也弗忘兮矧阡有表垂鴻征無方烏訛靡定三首謂
仁受命斯正世治伊邇天塹非限宿草馴兔孰云其晚

皜皜客衣寄穎上康氏曹氏伯仲

二麥油油淮圻如凋若翟若獐充庶士羞伯也謂何畋
須于秋弋亦匪我優五穀貿貿淮甸如繡若兔若鶴登
百職豆仲也謂何須冬以狩弓亦莫我毅維物有殖維

心有惻馳馬走狗祗益狂癖矧伯仲氏皜皜客衣慶歌
月中勸酬落暉弗詭弗隨樂哉忘歸

壽晚潭一首時耆年作用自勉也

竹石洞左潭水孔晦蠅曳衣蔦木旆旆曜靈西駕始
大輝明風休漪平龜曝魚行天其頌朝隆于晡暮晬然
飛霞顏若爲駐擁腫樛同春秋聖貴聞道夷俟是
尤維行維果維德維育言非自文潭實予勗

天宮密室一首

中林有室小僅容膝匪膝是容予心于密異彼馬牛奔

勒蹶韉燕坐之頃泰山毫芒毫芒尚無須靜學至渾焉
天真泊然世味聖人同仁否生藩籬非予獨善退藏維
時

感衷四首

宋祖受周禪規模邁漢唐濂溪遡道統廬陵應文昌四
嶽氣廓開二南風丕揚斯民躋壽域昆蟲被餘光禮容
備毫髮天用啟後王奈何至元治首繼金源亡

乾坤秉陰陽垂星竅山川圖書肇人文禮樂徐開宣王
霸迭興夏夷獸紛橫邊琴製自有虞遺響何眇縣朔風

日云涼及此遂絕弦卓哉元魏高後世疇比肩

獨立望大荒白日淪照地驕驕衆馬驤恍惚流雲駟施
之青絲絡被以黃金轡或空冀北羣閒有河洛志蓬蒿
長益肥苜蓿凋復稀生氣殆消竭何當馬知歸

陸機賦狹斜劉琨詠扶風見幾詎不早卒斃豺虎叢私
慕仲公理兼愛左太沖樂志洎招隱逸思邁雲鴻乾坤
亂常多賢達命固窮由來商顏飢及見咸陽烽

題俞東岡六有齋

隱居古善人中歲稅塵鞅座陳五經傳檣揭六有榜儼

若上帝臨於焉岱宗仰昕曠貴循度瞬息戒或罔賓師
臯比擁兒孫蚌珠翳將見一家學鄉術春浹益世方驚
虛遠俗復競浮獎不圖窺橫渠葦航排風上予嗟清流
輩既悼八廚黨何此名教閒浩然獨還往月林函疎彩
溪嶼臻灑爽良觀匪後遲朋酒置犧象

素節堂詩

有序

素節堂詩爲高州劉宏母夫人而作也夫人廉姓思
蘭名始良人克憲公以父諱道中憲使廕累遷西臺
御史遭亂相望數千里外而夫人自儀真涉大江避

地吳下時宏甫六歲冰檠自將教宏業詩書吳語不
守宏買田海鄉昇夫人就養予舊與宏之先兄判樞
交最稔至是以通家好邀予過焉堂適成庭梅盛花
酒半拜而曰堂未名敢請予以夫人懿行宜名素
節之堂遂書置卷首贅之詩云

孤根上春梅下有礫砢石高堂道冠帔徘徊暮雲碧石
含望夫情梅結晚歲盟冰花影石面箇箇月華清婉愉
綵服郎昔日錦襦嬰郎筵客戾止借問母姓氏夫是劉
西臺祖稱廉孟子試看南枝露恰似初源水二紀百劬

艱諸孫聯珮環青驄北從狩應過玉門關

留別張員外彥升

虞棄百里奚齊賴管夷吾由來楚國材實為晉所需世
傳魏王寶僅有徑寸珠光照十二乘何益邦家圖客遊
東吳閒行李筆研俱登高日作賦自比古大夫青青榛
棘蠅或止几席隅秋蒸露不霜稚子候驪駒少微芒色
正中天月同衢長嘯謝徐庶士元非鳳雛

題心覺元觀露軒

上人吾鄉人跌坐中竺嶺澹然觀朝露月落萬籟靜豐

林始如沐萎草颯以冷石牀仰嵌竇餘滴下微影世皆
汨塵勞天或示短景忘言理獨詣收視妙孰領茂陵和
玉屑有恆鶴知警雲深粥魚鳴孟鉢躬自整

題姚實甫遷葬事後

有序

姚本汴巨室屬靖康之難徙於吳咸復仕顯至有元
海鹽學諭君少即孤家始衰微因贅華亭彭氏實甫
其冢子既粗植門闕而先隴歲悠略無聞乃日夕惕
厲皇皇然汲汲然咨諸媼舊而物色之其延祐甲寅
春抵越首賴元妙袁鍊師指示下九里祖妣周氏墓

踰明年於所廬載獲畫像五泰定甲子尋次餘杭之
咸林上地則爲族黨粥四顧榛篠又幸山人施姓質
以曾祖承宣公會妣劉氏葬所在繼叩古蕩僧舍并
得祖保義公之牒函由是悉遷柩山之陰元統初考
妣歿遂祔藏焉夫以先世諸遺靈散滯客土莫之宗
依而十數年圖回經營乃安妥於斯迄今四十餘載
實甫壽已八表尚懼來者弗克遵所志而益惟先隴
往轍之或蹈故著訓俾永戒儆於乎實甫可謂賢孝
也已承宣諱日起保義諱鎔學諭諱仁榮實甫名碩

號西疇負材猶弗仕子二禎泳咸讀書兵後予過焉
徘徊霜厓風林之下實甫泫然流涕以紀詠請義不
得辭因序其槩綴以詩曰

郊畝弗射麝野乳猶名虎吁哉孰無生生焉詎無祖周
基肇孔艱大雅莫殫敷王風一淪變民俗日些厥臯也
前後巢顧影徒踽踽有美西疇翁孝軌克循古先隴曠
隔世雙涕痛零雨蚤夜疏寐興乾坤跼仰俯越水上輕
舸成林艾叢莽窮搜導癯仙旁詢得覩父遺骸幾孤露
寸心百勞苦一旦暢幽鬱羣陰翕和煦歸歸四尺墓秩

秩系北帖劔佩儼丹青牲羞苾銅簋淒其焄蒿達允矣
精爽聚爝然既死灰系延垂絕縷實大聲必泐氣蒸澤
斯溥翁用享期頤子復膺福祐于時多不弔異物走旁
午巢焚蘇臺烏凍羈紇于羽爾松何九九落日子爲撫
江天雲彌極霜厓石森豎

夢觀閻元賓

有序

元賓乃丑閻御史之母弟也始御史直衛英皇時以
父宣慰公廢讓累官監杭郡三年報政而中外亂雖
累遷任意泊矣至正丁未秋九月吳藩爲明兵所

故官例徵庸元賓至則歎曰國危身虜尚有頭戴

冠耶遂經死不

善書詩治蹟多可稱焉詩曰

老存平生懷數
心良士大者爲列星小者爲厲鬼元
賓高昌胄氣幹岳嶽巖始如月闔門旣猶風行水忘言
異溫序諒亦思故里陰陽剝西極江漢洵南紀乞憐毛
羣中拭目歎死雉在官知苦晚徇國歎曷已鬱鬱春陵
作咄咄永和體琴鶴就淪亡高樓笛誰倚

梵隆羅漢爲廣化寺道無二講師題

應真將相姿云何與世遠時命殆齟齬冥棲遂忘返麟

洲水復淺螳磨日彌短花鳥春長年雲山不知晚

題殊一原上人習靜禪房

霽虹跨飛梁二水匯祥澤僧堅菩薩行食衆業脩白松
陰地十柯三椽一菅蓆其徒茲習靜灰念榴立脊肫肫
雞抱子漚蟄龜存息徐徐月中庭湛湛天四碧大千入
毫髮非在尚何適自得何可云人胡苦蠅役

送斡山立侍者遠遊

天台接鴈蕩佛髻羅千峰萬石峭立壁儼若四果容青
口藍練瀑懸長松樵漁與農賈雜香仙人蹤子持

尺木栝欲盛百海龍霜降水且落中竺姑過冬冰解
剡江徑渡隻影從深雲蕨筍美前嵐巾衲重暮棲忘虎
鄰曉斲避蠓封諾師導禪學顛老指教宗益母花錦香
回首東吳淞王播會載至慎叩闍黎鐘

二烈詩有序

義烏童徽母吳貴字良正同縣儒家女未笄歸徽父
師姑嗜醇耐家固貧必思力致之盡驩姑沾醉乃已
老而病滯下戊戌亂家人悉鼠竄吳獨侍側人呼曰
汝不愛頭乎吳曰吾頭豈不愛姑在妾將何之居無

何姑沒瀕葬會鄰邑兵構變四入殺人斂貨財哀號
聲相聞人勸如前言吳曰姑骸未入土妾就刃下死
不悔語畢撫棺長慟兵義釋之去卒克葬師痰疾每
發輒欲絕或丁盛寒吳躬然松肪伐冰作湯飲久不
倦越五年吳卒同郡宋公濂爲誌墓烏傷里賈善妻
宋婺金華人性沈默寡言笑事舅姑無違禮奉賈亦
甚謹家政一切身之不以煩賈賈因得爲善士己亥
冬兵駐蘭溪賈攜婺避入浦陽城寶山中鄉無賴乘
時肆掠俄突至勢且迫婺懼侵已擲袖銀於地復給

曰我有珠若干藏近所乃脫身走投絕柵以死明年
郡守王宗顯表墓立傳云徽一日奉予書一通連誌
傳二且曰徽娶宋氏女庸乞詩文併垂將來予惟徽
辭情懇至遂如其請詩曰

風柔春月輝幾人百兩歸麗譙傳清漏芳園帶香闌魚
魚藻波泳燕燕杏梁飛緣情參養樂轉睇蔓露晞深山
故家女釵荆澹衣苧姑病躬致漿兵臨命輕羽貞珉表
今守遺墓式過旅洞溪爽氣合金婺耿光吐奢泐母足
嗤名節千世儀葍樹根裔壤本性移輒萎當階將離花

為他媚韶姿二烈歌道達奚翅規貿絲

牡丹盛花因記靳利安總管言賀丞相惟一春帖

詩有一門生二相獨樹發千花蓋牡丹也酒閒遂

述一首

東風不成寒輕雲澹晴陰露朶曉殊重天香午彌深洛
花大盈尺唐元獨盲心迂思賀相第父老小車臨

讀杭宋俞文蔚吹劔錄一事有感

有序

括蒼梁民懷首倡民兵捍禦方臘有功郡縣議上聞
民懷不肯既得子名安世年十九登科民懷以壽卒

鄉先生江朝宗挽曰四郊多戰壘一郡少儒家氣槩
劔三尺義方書五車野無人白骨門有子青緇陰德
看桃李無言春自華安世字次張官至司農丞廣西
漕予竊感江陰東八鄉得免兵禍者再一以壬辰冬
一以丙申秋此人所共知出於予言已略見周侍御
梧溪集序又祕書卿貢公題楊提學梧溪子小傳後
云梧下忘年友兵閒著義名片言回楚禊千里系周
正奴返前州牧金辭巨室甥猶聞多士感蘇學與常
城蓋補書遺事罕有聞者今漫錄民懷序後非以安

世望子而家全亂餘身老海上用自慰幸焉耳詩曰
酒熟臘中水叢梅春復深池臺萃幽勝泳飛自魚禽偶
觀吹劔錄遂賦懷梁吟大功不受賞清瑟有遺音相如
漢名儒蜀檄甚秦金岷嵐鄰雲閒桑梓餘蕭森千載一
魯連全齊歸海濤

趙善長山水

畫師今趙原東吳諒無雙寸毫九鼎重烏獲力靡扛翠
樹擁羽旗深崦敞雲窗參差見巒聳不無酒盈缸老山
石黃色插腳琉璃江隱若赤壁壘勢壓曹魏邦何當柔
猛虎蛟鱗遂我降欠伸列仙厓噫咳漁蠻缸

曹雲西山水

世治多福人時危多貴人貴人乃鬼朴福人眞天民緬
憶曹雲西生死太平辰高秋下孤鶴想見芙蓉神苑苑
露裊閒幽幽水石濱漿打甫里船角墊林宗巾往訪趙
松雪滿載九峰春酒名斯圖作何年援筆爲嘒呻池廢
餘野鴉井漢搖青蘋

奉覽龍井倡和什爲曦南仲上人題 有後序

竺源龍象國齊州鳳麟苑千齡始彙應匪維耆陶遠維

杭萃秀靈梅柳竝清婉湖飲六綵虹磬般疊翠巘悠然
泳飛外餅錫筵軒冕藻章婉蘇黃泉思湧參辯閒含棘
林香勝味御廚雋遺珠信僧寶了不見兵燹蒼寒境四
寂手之忍釋卷藤花墜來深松巢白雲偃

右鄧匪石虞道園二司業俞觀光先輩與澄湛堂無
極元濟天岸若季衡四法師及匪石子衍同遊龍井
唱酬之什後和者張晉公仲舉時爲布衣未起實出
山邨仇先生門徐則芝石虛谷方先生弟子也劉師
魯則鄜王後月心先生之子顧仁甫陳守中王性存

竝石塘胡先生之門人予聞之前進士錢思復云
附見焉俾來者知當時朝野人物之盛蓋不減蘇黃
參辯諸公追從之樂也夫湖山自吳越迨宋元數百
年形勝今鞠爲墟莽緇素文墨淪棄何限曦尚寶是
卷哉曦湛堂曾孫裔

信州靈山聞雲茆鍊師言石丈峯甚軒特因獻之
謠

靈山七十峯石丈壓中外吐納日月華傲兀風雨晦瑤
草春長髮蒼松寒蟠蓋無時丁甲朝空翠鏘劔珮師還

菱其下引領增爽槩到影一壁陰魚鳥竝驚潰今茲天
悔禍請為王敵愾東岱西青城相望孰與大坐令了頭
巖辟易狐媚態

靜坐林屋餘清洞有懷旭元明長老郭梅巖尊師
老惟一切澹所恬靜觀獨團蒲躬夏攜就石坐幽綠衝
荷魚拱立入草雉馴伏雨露詎予私物物幾竝育鶴回
緱山駕虎禁東林足高蹤何當偕及茲藜筍熟

題陳子章先世所居剡源九曲圖後 有序

陳氏為奉化著姓粵自初祖棠在季唐使吳越遭中

國亂就吳越奉化尉卜居剡源鄉鄉介剡縣東距奉
化二舍羣山夾嵩溪嵩發源大雷巖谷中一曲曰六
詔王右軍嘗宅是晉徵之凡六遺廟石研尚存二曲
黃沙水合奉化子文雅以潛學稱吳越忠懿王枉駕
顧之地因名蹕駐後文雅仕宋至殿中監三曲分兩
湖厓壁翠峭林壑繡錯有石幞頭狀而淵潭靚混魚
巨細畢見號小盤谷焉白坑石怪狀不一穴而深者
井若窪而露者白若此四曲也五曲循蓮葉峰峙三
大石溪許旣三峰插雲一石室可坐數十百人其上

字二曰丹霞殆類朱書中闢洞九冥窈莫測識卽雲
笈七籤所云丹霞赤水之天者下乃文簡公顯故第
六曲茅渚則奉化公始築之所七曲會於班溪八曲
至於高嶼於雪竇於公棠公棠者由孫興公植棠而
名於是九曲盡矣溪與山繇迤北東百餘里直抵鄞
江其佳隴廡田入陳氏十五六陳歷廿世四百年族
蔓衍四方實唐相夷行後至今昆仍多才德若朴其
一也朴文簡六世孫祖祕監著負直節賈似道忌之
遂弗仕伯父深沉洽與父泌竝仕元儒學官詎非山

川所鍾造德澤所深厚而得蕃且久耶朴字子章於
逢最友善遭世運屯歸耕願沮因道地理家世特詳
俾序詠圖後以攄孝衷云耳詩曰

慶門日滋德後昆代承儒匪惟守成緒將以宏前模三
辰迭晦韜羣雄相翦屠始甘餅居井中駭矢脫弧矧復
喪亂絲常與憂患俱葵葉衛本根烏悲戀故都東風幾
變柳落景尋照榆青山在在住白雲悠悠孤金石保遺
體詩書傳阿符予交二十霜情誼骨肉踰思釀粟里秫
各厭松江菰載拜剡源圖重爲吾道吁

覽安東俞郎中詞翰為其子鎡鑑題

軒軒吾故人不見十餘載雖無田園歸而有篇翰在長
星簪朔野鉅水王淮海杖策投青齊郎署且惟待華亭
唳鶴遠終焉同一嘔草春還萋萋雲午亦靄靄雙駒幽
林下迴露五花采何必山公託孝行鑒真宰

寄題歐陽文公所撰前侍御史周公伯琦曾妣方

氏宋封安人元贈鄱陽縣君墓道碑銘

有序

方氏浮梁素封之家也縣君性夙慧通書記女紅皆
不習而能既笄擇對遂歸番陽周進士灼克奉舅姑

小事嚴饋職進士以文聲多致賓客好治具用或

一不繼縣君每質貸應須嘉定中進士年卅六貢於鄉
尋卒縣君三十餘一子生五周星一女又少其兄二
齡進士之父迪功府君尚在而毫哭子無復理家事
踰七年卒先疇幾何不為其強宗所牟愆縣君清儉
勤苦堅自卓立恆躬機織子女飢啼則下機乳之訖
又織如初暑寒蚤暮治生不輟歷廿餘年擲積贏羨
教子娶婦且治其女歸歲歎穀踊視己所儲可以芻
及卽稠價并制其多寡咸使沾飫里人德焉子屋刻

志問學以才氣自奮年壯連舉明經爲時巨公所推
敬淳祐丙午免解遇明堂恩封母安人咸淳甲戌登
進士第明年爲德祐改元宋事已亟天兵圍饒守臣
唐公震偕江文忠公萬里城守縣君母子入保郡城
俄疾卒壽八十三倉卒不得棺文忠雅善屋贈美楨
又奠哭之如母治命母用金玉斂饒陷環城田發
獨縣君殯無恙至元二十三年春徙殯浮梁田
鳳池山至正辛巳以授經郎階六品曾孫伯璋請於
朝上特寵之乃以孫集賢待制應極五品秩推恩追

封番陽縣君是年翰林學士歐陽元銘其墓道碑曰
縣君歿年宋已殆揆厥初生迄聖代其閒一百五十
載有形斯世靡不壞所不能壞節與槩周氏不絕愁
如帶一婦人力俾昌大蟬聯簪纓至未艾祖父齋志
日益邁惟爾曾孫富脩能天光下燭朗幽優造物章
善不可蓋太史勒銘紀其最一言以蔽曰有待至是
吳城破後時公致仕五年矣將盡室歸鄱也以書連
歐公所誌徵詩且曰幸附梧溪集傳焉逢竊嘗感公
贊先子庫使家訓母氏李賢行微以効報今承茲命

義何敢辭敬敘而詩曰

嘗觀瀧岡表西江月同耿茲讀鳳山碑番湖天與永夫
人夙秀慧猶玉潔珠罔瑟琴彌和樂枕席遽孤冷訓兒
儒登第奉姑孝稱境勤勤寒機梭媿媿露鬢縷駸駸鬢
雲變斜日幾弔影壽終殯吉壤了不見兵梗姜嫄昌有
姬宐爾後彪炳恩榮兩朝被操行百世景曾孫古端公
五載謝朝請金湯夢震懼松檟思悲哽吳藩墮久戰愁
遺由天幸尚荷揚淑靈歸鯨鯨風靜

同場道孚孫大年孫叔景遊龍江寺觀宋最法華

碑

潭泉滌煩悃風涼灑絺服閒持長柄塵步繞東林竹密
含松蔦清迴帶川苔綠蓮華古石座昔者踞白足義天
日月朗法席龍象蹴烈士漢沈光異事碑陰錄渙然茲
冰釋鬱矣久蝸縮同鄉厭辟地庶以縱遊矚

尋李景元醉眠亭故基既觀米元章所書塔碑

落葉風日暮驚鴻關河夕聊託高世情獨訪先賢跡涓
涓張翰酒條條阮孚屐還念避地朋投詩慰孤宗

題方德玉提舉先隴瑞芝卷 有序

德玉名廷瑾其先本河南人以武入官扈高宗渡江
遂家臨安至六世祖茂榮昭慶軍承宣使生椿年榮
州防禦使生待舉恩州團練使生好問殿前都指揮
使判太醫局生中廣東提刑亦判醫生壽孫仕元廣
平路醫學教授咸葬龍井山之方山其地負金鍾靈
石粹淑氣實萃焉至正二十三年夏四月芝一本產
指揮墓厲莫勉爲誌廷瑾廣平子也由世業累遷江
浙醫學提舉過予客樓有請因序而詩曰

巉巖金鍾山也靡靈石原七世二百稔一夕芝秀繁恆

心暢條葉武德培本根華滋承珠濯暖豔迎丹暎高蔭
山上松旁映石閒蓀泉闢久深闕玉氣逾清溫盛事紀
里儒嘉祥萃雲孫李陵諳闊疏單師蹂戎蕃敗降族致
夷實階秦將門水樓動反照風蒲翳漁村京觀方塿然
靖言思岐軒斯民續命脈萬古春乾坤

寄贈盧宐興希文名僧孺祖淇河南參政父景盤
陽總管叔摯翰林待制

昆侖秀磅礴厥產皆玉璧孔林植材榦後凋貴松柏盧
侯澶淵英氣節金礦敵累遷義興守百里涵春澤鄒魯

聲教被荆楚風俗易中更國務殷募壯親破賊謂壬辰冬蛟
潭日澂碧迢迢帶桑麥後來二溧沸具區先盪激寸地
街犬牙四顧心獨赤夙駕放衙參露香對紫極蕭條士
著尸効死仍勦力復覩司隸章遂謝廷尉客野馬飛空
廐水鶴巢荒宅解后傷亂離慷慨數向昔妙年直中書
天威遠咫尺花明太液午月朗未央夕鞘鳴慶雲擁鶯
歇清漏滴后皇不愛寶累若咸率職大父與叔父竹帛
映翰墨籍甚先府君八郡收殊蹟一門萃忠孝三世遺
清白蹇子晚交好盡室厓谷僻跡忝王君公夢遠劉元

德依依尚方劒戀戀陶侃璧時當天心回餅酒思對灑
馮唐元晚遇賈誼曾前席熙陽釋馭寒梅柳各有色願
言副深期再舉扶搖翼

讀余季女懷其夫水宗道詩有序

予友賴良言鄉人余季女台州臨海儒家息也有容
德善屬文當元盛時贅同郡水宗道甫踰月水具見
余六邁柳絮學不彼若輒辭歸閉門讀書久不返余
取次裁九章招之水卒不聽及余病且死水夢余訣
別曰某委蛻矣子盍送我既訃至今存五章其首章

曰妾誰怨兮薄命一氣孔神兮化生若甌春山娟兮
秋水淨秉貞潔兮妾之性聊復歌兮遺興二章曰夜
夢兮食梨命靈氛兮與予占之曰行道兮遲遲斂角
枕兮粲如風動帷兮心而悲三章曰雲黯黯兮雪飛
棘夫子介兮如石苦復留兮不得望平原兮太息涕
泗橫兮沾臆四章曰送子去兮春樹青望子來兮秋
樹零樹有枝兮枝有英我胡爲兮熒熒子在此兮山
城五章曰織女兮牛郎豈謂化兮爲參商欲徑度兮
河無梁霜露侵襲兮病偃在牀嗟嗟夫子兮誰與縫

裳良以余生而淑敏不得於夫死而心聲託宣於世
不亦幸乎因如良請系以詩曰

鴛鳥常分飛雌鳩無匹居牛女相永望何但人間姝郎
情澹琴瑟郎志敦詩書期攬日月光下照薄命軀雲衢
諒高遠霜露歲忽除思初逢掖衣數振將迎珺豈謂朱
陳邈乃至秦越如庭芳棲熠燿堦苔上蜺蛉疾缺大丹
起神隨清漏徂九章極擬騷猶蝸蛻塵區鄙哉白頭吟
文園歡若初團扇詠信美長信燈同孤睽合數繫天不
繫才與愚橐砧苟富貴同穴義母渝

沈一中爲修秋堂風露琴先寄八句期過最閒園
館

一日焦尾脫十年孤鳳暗忻遭運斤手妙得斲輪心溪
館茗煙薄石牀蘿月深攜之肯枉過側耳揚春音

贈雲外道者靈保治中

有序

予過吳江同里洞真觀黃碧巖丹厂會雲外道者曰
木真氏名靈保字佑之嘗爲鎮南王長史統騎兵五
百人征汝蔡妖黨以功聞賜金幣上尊陞司馬至正
十六年三月長鎗軍帥大小張鑑叛據揚州王退駐

淮安時憲使楮不花拒寇趙負城胡陳寨首鼠兩閒
靈保說胡誘獲趙人畜千百計既飢軍民相食數求
老張平章授不爲應復將王命閒道走京師告危急
狀大臣嘉授濟南路治中議督諸部救十月城陷不
花抗敵死王被執逾月不屈妃某偕水死焉靈保得
王凶聞由海趨浙遂寄跡老氏蓋數年矣與之交旬
日意氣殆欲相從於聞風之上者因壯其前高其後
序而詩曰

菲衣麻屨今道者元是親王右司馬雪尾羔羊蒸瓠肥

金盤露酒明河瀉主畫才優形邸閒督戰功收霍丘下
濟南別為本遙授誓欲勤王膏草野先時張鑑叛揚州
孤軍退在籌邊樓老張平章擁精銳閒道蠟書躬遠投
近郊雖順等狼子千里橫亘長淮鱸鵠形徒志牛後藝
龍種竟逐鷓夷浮申胥血淚霽雲鏃落景荒寒影獨
去燕雷吳百朮胸蘇臺又復逐麋鹿三萬頃湖七十峯
一筇一篷娛老足胎禽將雛桐白華遇我黃石仙翁家
藥珠真經口暗誦滿月澹暈天東霞來者玩迅電往者
歎逝水擬招安期生更拉偓佺子聞風共指長爪姑試

問蓬萊清淺還有幾

覽宋幽嶺巡檢史公官誥為其十世孫女懿題有

公諱襄鄭州良家子也勇而善騎射初川陝宜撫處
置使司試守進義副尉會金人深入遂補職戍關隘
輒以能聞川陝不守公隨師單外擢下班祗應紹興
二年都肄著勞改進義校尉高宗駐蹕臨安徽扈駕
遷進武校尉劉猷起草竊公計伏大黃殪所乘馬將
跡捕之調役淮西至階堅樓銳率先士伍累陞敦
武郎時遐僻儉民胥煽暴掠公引老乞自效朝廷由

是出爲湖州安吉縣幽嶺巡檢凡數年崔澤政修夜
戶至不閉乾道三年冬十一月郊祀大赦以恩受宥
贈忠訓郎未幾卒子姓遂家焉後八世孫昭富饒始
徙松生文德讀書好義子翔女卽懿配張守中子友
也詩曰

諸生張雷忽我造恭呈十世外祖誥且云母氏徵紀述
風來如哀竹如譟一身是膽心匪粗角弓二石丈二及
掄材虎落假五百注視鹿柵空千夫陝氛障日川盜野
隨師單外與頓舍殿前徵扈南渡龍草閒掩殺橫行馬

金人踰淮數櫻銳髮短宵長言輒涕甫忻幽嶺長厖麓
竟臥寒雲斂猿臂君不見安吉山開天兩目瑩直龍驤
劔光燭梨花縞白薤葉青杜鵑弗爲英魂哭夏畦馬醫
鬼有祭幾多德不稱位昆無續我招以歌酬以卮魂久
屈蠖伸維時於乎女孫亦足輝門楣女孫亦足廣孝思
題鳳山時思寺寧無爲講師所藏嘉定己巳歷後
前朝統天歷一本寧師裝潢藏益謹陵墟社屋垂百年
恩澤在人元未泯當年君臣苟安計士馬逡巡略無氣
謹言幸斥仇胄黨儒林爭覩文公諡牢落乾坤又此時

衣冠不競曷勝悲春頌鳳紀難再得泚筆龍池寫秋色

海陵袁智周佩刀歌

有序

智周字濟道善醫世爲丁溪鹵戶至正閒父不受戶
甲非辱死智誓復讎陰佩刀伺閒便凡六年甲被人
所害旣亂有司禁持兵者刀棄之邗溝其終天鉅痛
則無時釋焉儒先爭信以文子作佩刀歌云

鹵豪煮海地沸蒸忽報孝子蒼天崩被髮誓雲雨若磨
百金一片陰壑冰六年泣血絳雪凝悲風淒淒常夜興
妖狐戴髑鬼物馮含沙射于左右肱陸阻習坎度阻湖

歎歌獨漉氣填膺刀亦汝知龍梭騰神鋒寒芒鐔威稜
仰號彼蒼奚曹曹斯須閒隙不可乘坐令骨立枯厓藤
墓廬青冷松明燈矧有母老鬢鬢破涕爲笑躬豆登
無何仇家死棘矜臭肉厭飫蚋與蠅天其假手俾世懲
人生五倫首父子復讎義昭春秋禮見遺刑書著諸史
宗元議足垂千祀倒行逆施伍員恥舞陽吉玃同轍軌
老涉遲鈍幼超偉固關時命非偶爾嗟卿避兵家轉徙
事往行存宐繕紀醢醢花香鯉搖尾臞然鶴行過客邸
欲言復吞鬢耳娒娒猶嬰慕焉已酒酣問刀首如匕

忍歸武庫投邗水水收煙消淨葦電光霍霍無時起
安得河伯以鑑授烈士來丹積冤從一灑來丹出列子

哀張生處道有序

淮人陷松生時營祿養於杭還省不可得行泣道左
適某師成嘉興即馬下跪白故帥納焉從次茶院夜
遇襲兵害

松江二月吹淮塵彷徨道泣高堂親側身以歸或得計
赤眉曾全蔡順志託生寄死將軍義襲兵卒臨孝子斃
一雌現妖墓羣雄鬪長蛇手棗隕實萱鏟芽風驚雨啼

白脰鴉世恹亂殃子無獨嗟

申之水三章題季子廟有序

廟在申港大阜上去阜二十餘步有田二畝名池子
區相傳呂舍人花園也呂氏宋末官閣門舍人方治
園時夜夢神人告曰吾季子也汝將鑿池處吾實葬
焉汝能止鑿吾令汝世世富貴不然將絕汝世呂不
之信明鑿池及土深見巨首圍五尺如驚焉亟移
瘞今廟後已而呂氏貧喪果無地王明老嘗記
以詩至正戊子茂子躬謁廟下感其事為賦申之

水三章用追弔云

申之水黃瀾瀾上流孔湜言薦君子城過百雉地千里
 高視雲霄同弊屣至德餘風振隕靡嗚呼歿也諒若休
 惡戚戚觸體延陵露白黍載秋 申之水瀾瀾黃言載
 薦之采蘋盈裳昔者奉使聘上國腰下寒芒劍三尺心
 許徐君終不易嗚呼歿也諒速朽觸體胡為有贏博草
 淒燐夜走 申之水達于江厄酒載崇矣車來降素王
 轍 南紀十大籀書日星曄高名將同天壤毀嗚呼
 與徒靈剌剌其俱劔池水赤虎亦殂

題邗三姑廟

祖龍之世邗三姑事跡缺載鬼董狐相傳有功澱山湖
 百媪地有百 畚鍤當先驅至今雕櫳映銅鋪祈祥弭患
 無日無我嘗舴艋駕眇軀遡風遙禱輒感孚幾年思報
 報欲殊身寢衰病詩 枯茲夕天倒白玉壺初月迴朗
 長庚孤蒼蒼淡煙斂平蕪冰夷水仙率啟途異芬醇醇
 掠鷗激妙音殷殷來鸞衢袿衣絳緣彷彿見采旄桂旗
 惚恍俱若將有意遺珮珠翛焉而臨儵爾徂坡陀肅入
 一偃巫亦望文士如韓蘇二公湘廬神匪誣私恨不至

吳東隅永池盜摸金鴈鳥馳道海齧餘萑蒲長城陰靈
夜哭夫毛女木客猶避趨祭哉三姑應星須炎芝四皓
隱德符四皓一出名漢都孰愈萬祀澤誕敷邈與造化
長爲徒

贈李隱居廷重

李隱居生不願揚州鶴老不願傳舍魚鳳凰崦西丈室
廬甕儲厚酒盤嘉菹小宗避亂忍隳祭義方敦兒猶買
書耕存寸田藥在籠杖策古道攻爲琚長林送籟虎跡
遠澹雲涵澗鷗巢虛奈何獨遊搖落餘李隱居小寒人

雪歲且除鶯辰好伺山人車山人亦與世久疏

完哲清卿宣慰寄玉珮環環後被盜追述一首

古人佩玉不去體涵養性情非事靡粟蠶名義本衣食
雲霞象文藻鑑德將軍管水玉三色金源大臣曾寶惜
紫葡萄覆雙狻猊宣斷露爪相狎嬉黃猊下視威若怒
青猊仆仰如知懼夷風流習制度疏匠氏矜能毛髮具
我加帶束躬采薪兒童笑倒父老嗔雕螭盤繡珠飾巾
鵠觜宮鞞方稱珍君不見玉魚殉葬亦歸盜歌詩永識
將軍好

唐昭儀李漸榮辭

日繫包桑地瓜剖宮闈去尺非唐有庭春草合車斷音
忝備昭儀奉卮酒御香紫袖纖垂手載拜載祝南山壽
龍須席展蓮炬移狼角斲天豨突牖不辭隕命同君后
女三禍前妾忠後無人為語巢賊奴莫使兒知環柱走

宋婉容王氏辭

有引

徽宗北入四太子請王婉容妻粘罕子上遣之大哭
曰何忍一身事兩主就輿中奮刀刎死太子歎異擇
地葬立碑曰貞婦冢事載括蒼俞文豹吹劍錄

二宮有警無年蹕今妾徒為虜雛匹假如青冢向黃昏
不若金刀昭白日血濡一縷願隨終煙沙漫漫霜雪容
令人想見旌貞石氣敵雙高湖上峰

覽曹架閣祖平章畫像父河中府君死蹟

有序

平章諱立大同懷仁縣人材器剛方獲侍武宗潛邸
既國族不靖北征有功帝即位授浙省左丞歷三臺
中丞中平章宣政院使薨府君諱觀起身中書直
舍內藏使臺幕浮梁知州會徽寇入浮梁率義壯巷
戰死詔贈中順大夫河中府知府爵譙國郡伯架閣

名莊自中外亂野處餘二十年至是冥子別業奉平
章畫像府君死蹟拜請文子嘉莊孝謹且聞客有木
員外言天歷初東南饑重臣岷采燕安民獨羅訴平
章馬首大發廩賑之併錄而系以詩曰

前朝衛霍許史門如市如沸今荒村老夫散跡江海上
目豁心快平章孫平章武宗潛邸日灑掃月窟安天根
帳下虎牙嚴校尉道周鵠狀荷生恩劔鋒差差練光冷
畫像凜凜英氣存中書直舍乃冢子精金玉聯弟昆
雪消秀出北臺翠雨過沙走長河渾醉看暮獵縹半臂

躬扶春犁朱兩轡浮梁力戰死民社譙伯寵褒來帝闈
遂令賣國互郎等喘汗俯愧聞風奔傳云仁者必有後
況復忠節名乾坤將軍曹霸舊爲庶孫也毀冕甘丘園
菜無益跡柳罷髡鵝鷺啜啜桃花源獨扉板白東瞰鹵
九關雲紫西浮崑二雛犀角殊庞敦所衣尚是繡芷蓀
騁燕鳴岐蓋未易量也落日載舉雙犧尊

夜過蒼墩江隱居

白茅蕭蕭風色昏歸人自語煙際村我騎蹇驢童抱尊
記得君家忘卻門徑穿竹入背江路傍是梁朝敬宗墓

月中對鶴吹洞簫露水淨然落高樹

崔白百鴈圖爲宣城黃定之題

老愚離羣影久孤客來笑示百鴈圖指眇試數失兩個
莫喻畫意翻令吁得非長門報秋使或是大窖傳書奴
不然一舉千里高鴻俱其餘洩汨碌瑣徒且喙且息翔
且呼營營鄭圃田之稷睢睢齊海隅之菰遑知爾更銜
爾蘆瓠肥卒至充人廚小而曰騏亦就菽邇聞澤梁弛
禁官罷虞麋鹿魚鱉同少蘇羽儀好在春雲衢

金世宗太子允恭百駿圖爲舒德源題

金家武元靖燕徽嘗謂徽宗癖花鳥允恭不作大訓方
畫馬卻慕江都王此圖遺脫前後幅尚餘龍媒羣角逐
息雞草黃霜殺菽王氣榮光等蕉鹿山以塵迷朔南目
溪頭姑飲歸田犢

高尚書墨竹爲何生性題

公嘗寫竹自題云子昂寫竹神而不似仲賓寫竹似
而不神其神而似者吾之兩此君也爲浙省郎中時
會經理田糧致甌婺小梗遂焚冊罷免民至今德之
子昂寫竹神而不似仲賓寫竹似而不神茲觀房山雙

墨君素節抱霜臘翠葆擁露晨文蘇隔世同超倫左司
昔焚經理冊至今遺民手加額使槎旣泊桑落洲仙仗
頻隨柳林陌大言非夸孰信之布衣垂老神交客維山
有岳星有斗若趙若李俱不朽

朱澤民雙松圖爲夏老圃題於綠陰清晝堂

征東提學古韋偃手寫落落雙樹松深根本託夏氏社
高節肯受羸人封蒼然秀色入野闊勢擘交龍欲飛活
白日風雨從震凌青陽造化先迴斡散樗灌木不敢齊
况有仙鶴時來棲杜陵九原如可作拭目清晨應重題

題徐子脩爲陸德昭畫溪山風雨圖

羣山收搖雲四襲大木低回小松指陰舒陽翁神鬼交
澗淫谷濫蛟鼉立一人正涉險畏途老馬旋溽僕且痛
垂堂遺體弗戒謹卒跌祿利名貪愚泊舟者誰曲沙滌
怪雨盲風若知避苟能六鑿同天遊靜觀大化眞兒戲
徐脩徐脩雙鬢皤盍爲別畫瓢舂窩老夫小車花外過
葛稚川移居圖爲友生朱禹方仲矩題

典午三綱紊無紀賊奴內向伯仁死辭徵高蹈公以此
終託丹砂去朝市千年盛事傳畫史堃夫獲觀朱氏邸

壯肩餒張幼琴几杖懸藥瓢風靡靡長禱老婢手執箠
躬驅其羊羊顧子兩犍受牽頭角頰鼈厖殿隨亦忻喜
公披仙經瞳炯水琅琅餘音况入耳後驂夫人謝釵珥
膝上髻嬰玉雪美幻漏尚遠羅浮邇若有函關氣騰紫
天丁山靈狀僑僂開鑿空青洞扉啟雲霞輸漿石供髓
二麗精華晨夜委金光秀發三花藥飄飄上昇碧寥止
同時許邁行加砥一門翁孫良可儼彼散豆者顙遺泚
嗟今凡民苦流徙落木空邨淚如洒

唐子華知州山水為王駿致遠題

天歷己巳庚午閒每從鄉執承公顏公嘗任江陰校授龍翔畫
壁動宸聽歸來官舍餘清閒忽思霽雪溪山好溪光不
流山色老懸厓怪石鬼呈面號寒枯梢離僵爪長途泥
濺馬衣溼鮫宮鱗潛魚罟入攜琴伊誰興彌集蜿蜒雙
松夾而立公乘白雲何所之此幅乃是臨郭熙亂中金
玉軸焉有能以善守方世奇為拂爾塵題我詩我昔俊
髦今老衰

題光孝寺訥無言長老所藏畫龍柯敬仲博士題
云道人畫龍龍絕奇何處人間曾見之上京清暑

朝初退太液池邊看雨時

宇南畫龍者自是冀北驄醉墨幻出朝天龍奎章博士久

家食一詩寓意懷文宗鼎湖攀號不可得虬髯倒影滄

溟黑似掀金陵之畫壁反顧蒼生望雲霓詩成恍覺龍

點首霖雨化作山人酒

趙文敏公山水為董竹林山長題有引

公於畫左題云至大三年六月望日為吳彥良畫并

詩石岸靜極陰合溪晴雲氣流之句想在鷗波亭作

也彥良嘉禾人

何山弁山秀可掬上若下若蒼苔綠翰林學士偶歸來

亭倚鷗波送飛鵠鵠飛盡沒滄茫境衣上青天倒搖影

鹿頭舫子湖州歌想帶南風覺悽冷冰盤瓜李進仲姬

管夫人字生綃畫就復題詩鄭虔三絕世無有於乎何幸再

見至大三年時

題趙善長為李原復所畫山水

日光青寒殺氣白山童林髡水縮脈城春墮指株送餒

莽蒼坤輿大宵宅齊東趙原吳下客辭榮養母韓康伯

酒狂忽憶雍熙時畫法荆關海岳窄魁峰傑嶺大將顏

秀厓峭壁仙卿班雲嵐滃勃嵩華表石棧瑯确峭函閒
 翬飛樓閣深翠隱獸羣遠跡人煙近一瀑天垂雪練紳
 萬松花落黃金粉森蘿翳榭杳莫盡若聞行歌採芝茵
 芴觀众攬攘妙灑獨心苦神工精會合鬼物毛竦豎炷
 爨扁舟露沙激磨輪新坊俯場圃雌伏雞窠懸在梁磬
 折田翁飼其牯土膏不假酥雨潤帘腳似逐東風順貢
 聯包匭旅裹糧驢驅馬馱力角奮怛然閣筆淚滿腮龍
 虎虛臥灤陽臺累朝德澤百年運短褐老去江南哀我
 詩題罷春潑眼又見他鄉鴻鴈回

宋制置彭大雅瑪瑙酒椀歌周伯温大參徵賦有序

今太尉開藩之三月命部將王左丞晟書使踵海上
 招至吳中以予無錫避地說晟勸張楚公歸元擢淮
 省都事辭時江浙參政周公適蒞分省延飲齋閣懽
 甚出瑪瑙酒椀曰此彭大雅燕饗舊物子才器足當
 之遂引滿酌之再氣酣思湧率爾走筆紀清賞非求
 知他人焉詩曰

淮藩開吳豪俠滿歌鐘地屬姑蘇館相儒獨為緩頰生
 笑出彭公瑪瑙椀血乾智伯醜不腥黃玉瑩錯紅水晶

妖暮蝕月魄半死虹光霞氣歎且盈隱若陣偃邊將營
彭公彭公古烈士重慶孤城亦勞止天忘西顧二十年
畝盡東南數千里武侯祝文何乃偉敗由宋祚民今祀
太湖底寧魚米豐官解喜與開門同酒波椀面動峽影
想見制置師犒飄風中再酌庶沃礫磊胸君不見漢家
將軍五郡封班彪天與世史功詩狂昭諫客吳越存心
唐室人憐忠嗚呼尚友吾豈敢醉墨慘澹雲飛鴻

嚴子魯參政席上聞左丞楊君完者死事

藏六者龜窟三者兔百鳥俛啄旣仰復顧二雄由來不

共居楊也丞相防身及他心隴得又望蜀遺鑑號亡危
在虞風霆大樹無幾綠武公軒餘拂雲竹私恨平生志
士心何方移置將軍腹將軍國封八十親綵服行戴東
山中白面論事諒可採笑出黃羊觴碧醇

七月間河南平章凶問

六月妖星芒角白幾夜俳佻天市側尋聞盜殺李上公
羈旅孤臣淚沾臆當時寬猛制崔澤安得受降翻受敵
上公忠名垂竹帛書生奚爲費禕惜東南風動旗黃色
蒲梢天馬長依北

贈嘉定故吏尤鼎臣 有序

鼎臣少由海寧吏調鄉州嘉定就親養至正十三年
閏三月海寇犯婁時寶哥參政頓兵崑不進鼎從州
倅率義壯守上游二年謀效居多十六年淮張入吳
倅奉印降鼎沮之為其將紮且諭授以官抗不受杖
百錮於家尋奔杭浙省參政周伯琦舉興義烏縣史
詔使開吳藩鼎復以勞遷桐廬典史理吏目秩即
歸農及吳隳後會予中槎羌謙家癯然類山澤儒而
言確行厲始有古節士風去尋常筐篋器遠矣昔漢

符璽郎事殊壯烈然史失其名今鼎得予詩亦足
其心也詩曰

長貧故吏身姓尤一刀筆擁干夫子南垣參政但醉酒
海若不敢東窺婁淮張崛起連吳臺屬臣買降恐後來
躡階沮獻嘉定印杖錮非謫天全才座中老氣虹霓吐
屋山亂葉吹黃雨舊除今辟置弗歎鬼區冥冥蒿中柱
吁嗟猶思石礮鼓

題顧謹中外祖魏洵子美妻丁氏祠堂卷 有序

魏夫婦竝吳興人洵嘗吏祿松有某忤權貴下獄賂

白金五十兩洵脫其械封還金上海巨室威徧鄰父
死汚官欲抵罪其子會部使者至洵盡發巨室姦狀
遂伏辜然由是見忌調鉛山及滿考歸行李蕭然餘
一贈行卷既除仁和場幕謝免夫婦日惟教謹中若
己出而謹中爲今秀造築別室祠之且道所以拜請
詩詩曰

義伸枉獄金卻還寧忤豪貴遷鉛山六年僅有贈行卷
秀髯皓白如霜營生憂敖氏鬼獨苦今得外孫祠外祖
雞肥黍稌天風秋鷓哭棠梨寒食雨宅相魏舒良可敦

黑頭江總不須論力田讀書姑養母莫賦遠遊勞倚門

華劉二節婦 有序

華劉二節婦竝大同人華妻武州守張思孝生子亨
劉其配也至正戊申秋閏七月河南軍帥竹貞乘亂
肆掠二節婦匿複壁閒游卒闕得之驅迫以前華驚
呼曰我命婦也驅我第有死耳且謂劉曰汝芳年將
何若劉對曰忠烈不二宐聞之也審忍垢辱耶華曰
勿無刃經無索奈何劉復對曰當激賊怒以就死遂
大罵極口卒怒殺之劉不爲動聲氣益厲卒又殺之

木溪集卷五
華時年四十五平生嚴介馭下事或少枉弗貸身歿
姑老衣膳枕几必身親焉思孝由衛學官至伯爵位
華累封雲中郡君每曰被服禕翟徒志狗馬耳訓亨
機絲克承箕業懿聲賢聞穆然清風劉年二十一翰
林待制翼之姪女宐其諱也莊重盛容性尤慧爽華
愛甚嘗索賦庭柏云羣卉枯落時挺節孤秀既保
歲寒心不在還年壽始先識也郡士郝
亨稔知予名適司征烏涇也乃介瘍醫
寓隱以哀挽請予維華劉志節亨孝義田

雲中城無斫頭守一門雙貞光并曰黃河清淺渡淮駟
雪峰巍峩掩星狗君不見釧金臂斷牙將辜肅宗并罷
崔成都昨者寡人妻鰥人夫天不彼保家與孥望鄉臺
霜積草白還亦思之心鬱紆吾詩非爲此特旌張婦姑

陸縣尹時俊席上贈郭府判有後序

袁州府判八十強徒步海曲何踉蹌世殊衣帽不肯改
意氣忿激言慨慷天歷天王位九二眾蛇隨龍一蛇棄
當年夙稱強項令餘生獨念龐眉尉斬人崛然起桑樞
身急上馬蚤夜驅漕河風濤阻芻粟雷塘城郭埋萑蒲

塞翁得失付大噉王家林涵紫微箔少時良晤別亦樂
勿效謝公重作惡

公諱野仙不華字彥楨順德之內丘人也性剛峭有
風義冠以善國語聞中書右丞相哈剌哈孫引見成
宗器之俾事太子累年母王宐人齒邁告有旨江浙
左丞相帖古迭兒祿之就養丞相尋薨公護喪還時
別不花新拜相義壯之屬左丞張士瞻爲娶名門鄧
氏女補省之怯里馬赤怯里馬赤者漢言通事也調
湖廣秩滿始官瓊山縣尹會文宗潛邸餽虞衣藥躬

備如儀閒以梗齷差多忤意上每顧左右曰野仙不
華昔寵遇先皇今復竭勞效忠於我苟得承祀纂統
當以金蒙之瓊婦風尤媮靡帕胸禪髀製自公始黎
聚蠶落順令倣使五年遷將樂尹闢建龜山書院洗
冤鉏梗痿起困醒代民肖像祠之文宗卽位使南者
傳詔公遂乘傳入凡一時重臣皆嘗約昆弟禮至則
見上車賜所啜黑湯比退重臣以御史薦上曰彼居
三日朕亦効矣他日復召問曰卿宿別不花丞相家
耶對曰然上曰卿從其求進耶公曰丞相念臣舊用

館穀臣惟進退在陛下諸重臣猶擬省遷公一謝曰
非出聖意竟不陛辭返上怒欲罪給傳內外官屬大
夫力諫曰陛下獨不記金蒙之旨乎上由是霽威因
賜閭蹉引若干該楮鏹萬定公損半受之沾丐親舊
代野處武昌適鎮南王世子封威順王出鎮王物色
得之日聆讜言恐後贈襲衣鞍馬文宗崩嗣君入繼
召除湖廣省員外郎旋改華亭尹民有以偽鈔告償
其物價公曰偶誤耳付諸火易真償之他類此一懸
傾嚮而府倅忌焉誣事叱去帽公自投帽仆地對了

不爲紕是日移文遷父贈內上尹諱善葬祔先塋及
還政聞大馳代士民羣拜馬首取鞞懸東門以存遺
愛轉杭州宣課提舉地當要衝歲課鈔十餘萬逋負
箠械率視常職公剔蝨剗弊廉己寬稅商不忍欺吏
莫敢私能聞擢彬州路判官行省檄總湖南一路軍
餉先期而竣臨武宜章二縣徭作耗官兵進討不克
公單童騎將命入開諭福禍徭悉歸農移袁州路判
官時斬人叛僭由儲侍來江浙不久袁陷而公年當
致仕慨然長嘯曰華亭禽魚草木不吾怪也遂隱跡

凡二十載而卒子忠奉葬縣之橫雲山從鄧宐人
其先有諱瑞者仕金邠州節度使生震元初內丘主
簿因占籍生定定生興興以從軍攻西川戰死興生
善夔路招討使司經歷出鎮思播田楊定遠等處以
王事歿公善之次子也年甫十三奔父喪既抵漢陽
殯所取骸骨有同姓者誤持函往公直於官咸稱孝
云逢僅與公有一日雅今讀錢衮所著行狀始得其
細於乎公四命爲郎三命大夫所至藉甚雖材志不
盡施而保身叔世登壽九袞子孫安全天厚侈矣衮

於公爲門吏有請因撫其槩并書前贈公詩以歸之

寄題俞達敦義軒

有序

達予里生也辛亥春兄牽車服賈數千里他賈犯權
鹽禁坐連時達尚幼憫兄孱弱必客死毅然代庸於
濠凡三載例構公解完乃放還黃常氏旣爲序復徵
予詩曰

我家庭陵君子鄉義讓遺俗戶相望亂中豈少趙與姜
耳目不逮泯莫彰俞氏小弟今最良竊旌載車先死盜
剖棺起生事孔到疫鬼弗染出天造之三子者世爭道

浚井從掩吁象傲黃常名軒義是敦我老作詩銘諸門
出入維德閒朝昏春風頌篋叶雅墳白頭母忘鴿在原

送花生還懷遠縣 有後序

剛爺屈跡簿書吏众中會予輒師事里稱黃童扇枕孝
士多寶十還金義於乎不幸死連獄寡妻孤兒徙荆麓
終天痛抱王哀心長夜哀聞杞梁哭君不見老夫避地
烏泥邨豈徒親舊少生存木落洞庭悲帝子草淒南浦
憶王孫酸風暮閣愛日短酒次贈言歸莫緩驚鴻銜蘆
雲與遠大魚跳冰月應滿

生之父貞子鄉友也性敦慎嘗典簿書浙省大官有
以白金數十斤託貞世變後悉還之居家奉八十母
孝甚扇枕溫席寒暑罔替鄰里稱焉今禮部凡三辟
辭不獲起為佐吏未幾以事連死聞者咸歎惋曰使
天定貞豈有是耶有司沒其產業徙生荆山下棲卑
墾荒母子胥弔歲甲寅冬十月始克還謁子寓隱且
言復往有日子因飲之酒贈之詩用慰勉生之心焉

耳

題何婦黃氏卷 有序

黃氏松之莆溪何某繼室也某家素饒洪武初呈名
欺隱當沒產既上官至某貨殖宅郡黃獨與諸老弱
居官怒其帑藏空匱掠徵貲扶累百身無完膚昏頓
就斃者妻言卒不察次掠姒又次掠其姑姑號呼婦
黃方呻吟即狼狽起蔽翼之且告姑老不勝捶力丐

身氣款惻官愍釋焉翌日黃復扶詣官泣請

子及姒之子若婦凡在休私舍羸

里士范公亮誌焉予謂鄭休妻石鄭義

事竝著晉唐史今何不類之可稱述也

已詩曰

江南枳花開妾當飛望災孝義由中心擄楚從百回古
嘗亡猿禍林木今見青蠅憎白玉破鐺盡沒氣若絲官
曹尚擬夫刑贖君不聞一鷹揚百鳥亡一犬走百兔僵
騶虞麟趾周家祥

贈孝僧琳有序

琳號西玉子鄉人至正乙未出遊名山川會亂亟歸
覲寇數兵之告以故免既聞父兄弟皆歿亂中餘母
高嫂薛在錢墅莊及見母創甚嫂以不辱溺井死琳

躬負土掩之匍匐乞食奉母養彌年母卒密葬善地
遂奔隱吳門一日攜血書華嚴經謁予海上予嘉琳
學佛氏教而克孝克義贈之以詩曰

華嚴內典釋中尊書向吳臺獨樹村十指滴枯遺體血
一心追報二親恩琅函夜繞金光粲黃壤春回淑氣溫
卻怪亂離多死隔獨能奉養及生存江魚雪白思登饌
野樵霞紅夢倚門客舍題詩良有以頻年少見孝兒孫
送吳藩錢郎中陞參政分鎮淮徐邵三州

公府疏恩近九天復從苦次起籌邊江黃慎與齊桓會
梁楚宐推宋就賢出胯故墟山寂歷露筋遺廟草芊眠
望中不盡英靈氣微上新疎警急煙大雪弓刀千騎密
上元燈火萬星聯機乘暮夜初無定霸賤春秋夙有傳
他日大光吳越後白頭昭諫正歸田

嚴壽閒席上寄汀州同知曾文昭三忠謂福建平
章陳有定僉樞白帖穆爾子壽漳州達魯花赤迭
禮迷失子初也

避地東來喜有鬼竹林無恙仲能箴甌閩城郭三忠淚
吳楚雲山幾故知老馬忍忘霜塞草孤猿甘抱雪松枝

嚴家酒熟瑤池露且醉梅閒藥玉卮

寄劉小齋張溝南吳中洲夏師魯鄧毅夫上宗大
鄉里遺賢軫念多荐辭今聘守微疴前途絕望楊宣雀
亂水嘗窺董養鵝季子有碑時打字莫王無鬼夜操戈
東風凍解醅新熟試覺歸舟駛一梭

奉懷集賢黑黑承旨

謝病徽州詔許還五干部曲涕如潛一帆風破三鯨浪
兩鬢霜明九豹關西第月資全祿養中官時出上尊頒
鳴笳滿地星牢落應憶微言俎豆間

任子良縣尹除奉訓大夫台州判官逢避地相鄰
而又姻婭之好承聞大軍駐汴經略使已至浙東
小康有日先詩奉賀子良名賢佐宣尉仁發之嫡
子也

天香夜染紫煙衣喜氣春連白板扉陶令山中初酒熟
劉郎溪上正花飛使臨奎壁新分象民望雲霓幾落暉
宜早上官思補報大軍先破汴城圍

謝中政院判買住昂霄柱過龍江寓隱

三年江館閉斜曛一日星輅下紫氛老我已非佳子弟

壯公會是故將軍未央雙闕雲端見長樂疎鐘月下聞
還語中原燹絲盡六宮知愛石榴裙

送吳照磨赴李司徒幕兼簡張郎中

司徒分鎮越王臺甌婺山光八望來堂上修文閒將略
幙中求舊得賢才鑑湖木落魚梁見紫塞風高鴈路開
莫禁白頭狂賀老時禁酒酒船仍蕩月明回

題何上海緝新修瞿雅州義塾卷

十畝宮圍數仞牆雅州開建鶴沙陽流風遠被弦歌樂
化日重輝黼黻章衡縣有詩稱陸宰魯城無宅壞恭王

春歸壇杏青陰滿安得追趨弟子行

題徐伯起水南漁隱卷

幾人北戍幾南遷一日身閒一日僊回首華亭鳴鶴外
繫舟長泖亂鷗邊屋圍楊柳清秋日星錯蠙珠薄暮煙
不學秦民不終隱桃花傍笑太康年

將遊澱山承府倅張德常郭宗唐聯過舟次留宴

燈夕不果既得風帆走筆寄張郭

天上春回城雪消人家梅柳帶河橋官無一事鼓鐘宴
賢有兩驂環轡搖霽月華燈違後夜好風輕楫快今朝

水生汀渚鴈鳧浴閣倚澗山心獨遙

遊崑山清真觀放生池承盧知州孫萬戶梅倅會

宴有詩畱錢尊師丹房

鼓角沈雄晝漏稀羽人宮闕靜含輝林閒紫馬聞鸞過
水上文鯨趁鶴飛霞氣暖流千口酒風光晴拂暮春衣
不應客似瑤箏鴈畱滯南音斷北歸

同朱節遊泰山詩畱地主宋氏

金赭二山名遙望巨海郊祖龍曾此駐雲旂為尋白堊米

沙洞首渡蒼厓紫壁坳木客夜過松籟作石人寒臥薜

衣交一茶共話桃源隱不信河山有二峭

重遊千山望機山有引

千將山色倚空青獨立風生十二翎便合武當祠畔
往布衣長謝紫微星予至正辛丑九月十七日所題
口號今十七年矣墨蹟如新而風煙草木與時變異
西望二陸遺墟慨歎久之老覲賀曰布衣得毋汚乎

因畱詩山中

杖倚千將西紫岑望中連壁瘞雲深當時少為全歸計
後俊堪羞妄躡心京洛好風隨義犬華亭涼月怨胎禽

木石身卷五
斧斤浩浩山林歎辭賦蕭蕭麗則音

寄贈劉樞幕

獻替雲臺黍一炊羈離江國鬢全絲醉中罷落高風帽
夢裏猶聞湛露詩山槩葉乾知歲短水楊花怒任春私
靜思舊幹君臣意足見平生志有爲

呂充閭復亨自陝還予過之懷文會於時康傷家
干徙於事連且慶其世德有在而子孫保全也賦詩
畱希尚之第

堂開來德俯璜灣魚鳥熙熙晝靚聞多士春行沂上服
巨靈夜負澤中山蒼黃一氣千林變玉壁雙聯萬里還
爲醉阿咸狂走筆鬢絲香拂鷓鴣斑

寄婁上俞士平提學陸良貴秦文仲二教授

朱紱青袍映後先邇來愁過買臣年壩頭相醪囊須罄
地下誰遊劔莫懸淮浪白滔迴魯日塞氛黃隔姓劉天
賤名忝在齊民版爲報新無徬泖田

寄龍江親舊二首

四年不過醉眠亭白髮盈顛病始醒趙盾共知爲畏日
戴逵曾誤作賢星鶴江列第花如淚龍鎮雙庠草又青

親舊友生三五在幾時同謁聖儀形

冥鴻東邁剩上亭遭世艱虞幾醉醒淚化夢中雙好雨
心周物表一閒星大江順駛沅湘白少室高齊泰華青
持此欲誇吳越地舊交多似水雞形

寄陸宅之進士錢思復提學全希言學正

花開花落雪盈顛三地相望一信無梁震不慚前進士
杜陵寧是老狂夫長淮浪接江逾闊南極星聯斗不孤
想與窮經全學正酒香鄰社杖同扶

經遊小來涇簡木仲毅

鬢參歸隱小郊垆亂日曾聞險備經風黑浪高羅刹海
月明天度使臣星東都先見逢萌得廣武重遊阮籍醒
最是故家春草暗杜鵑啼殺忍回聽

題董良用徵士釋耕所

百畝私田十尺廬釋耕為樂野人如隴牛鬪臥春犁後
水鳥低飛午饑餘殷喪蕨薇元可食秦炎種樹獨存書
老子擬就龐公隱歲暮相看兩鬢疎

朱氏梅雪齋中會介壽仲祺

高昌公子忽重逢一飲玻璃酒百鍾月夕屢聞愁繞鵲

花時曾見喜乘龍仗邊廡送昭陽漏軾上雲移太室松
二十五年俱夢境石灣何日步從容

贈劉易性初

鷓鴣文采鶴癯形雖恨無家異水萍短褐山林躬採藥
破窗風雨夢傳經元規塵暗衣偏素孟德臺荒隴自青
材業有餘平治近莫隨王績寄沈冥

同舍章千戶近歸江陰父老首詢予在多喜慶者
癸丑春日小酌因述懷簡諸父老

得嗔如屋謫如山轉覺方心似石頑鄉巷復譌爲異類

客居嘗夢把連環平安短札春湖綠睂壽深杯曙日殷
食料不知餘有幾且從兒女慶童顏

贈陳履信

有後序

落落晨星江海陸每於士友頌陳思藩臣遲用防秋策
縣令深嘉繼祀詩貧後小夫歸地利亂中闔室戴天知
尤憐不受琴生粟長褐郊園自采葵

思松人不苟殉俗雅志古道有田僅供饘粥遇族里
貧甚者輒分食弊廬數楹日授徒其下鄰人侵傍地
自歌曰食且無魚奈何盤蔬無餘鄰聞之歸所侵地

鄉大姓張氏子翊嘗從學琴業成載一巨舟粟爲謝
思曰吾藝以售汝耶辭之吳藩府地連十州守將咸
以爲安思上疏危之不報遁居海上日惟無後是戚
乃欲弟之幼子後求於弟三年弟不之卹吳被圍思
愈皇皇如無歸或勸止之思曰吾得弗殄宗祀脫兵
死不憾因賦詩謁祝上海挺曰傳家忍學韓爲賈失
國驚聞莒滅鄆挺嘉歎爲讓弟遂立其子後亂中民
妻女多所汚思置家人閣上如平時且曰吾心鏡無
醜迹醜影何由至竟如其言君子謂思行義所致云

夢騎驢

蹇驢雙耳卓東風前導青衣一小童石澗倒涵嵐氣白
海霞高貫日輪紅桃花芝草經行異鶴髮雞皮語笑同
卻待朝天驚夢失春醒無奈雨簾櫳

題趙生克敏戲綵堂

戲綵高堂俯鶴沙孝承清獻故侯家一雙玉饌春冰鯉
五色斑衣曙海霞壽酒宛涵池上竹醜顏聯映座頭花
山人善禱良非佞更積詩書到五車

題鶴坡長壽寺宋東南正將潘德剛所剏

招提誰建鶴坡陽
寶祐年閒忠翊郎將種久歸農
版籍佛燈長似日容光
六時螺唄潮音壯滿目
烏鳶野色荒老我願爲僧
一日盡招新鬼上慈航

癸丑正月三日述懷一首

梅風峭寒微雨零
中荃季薰聯歸寧
嬌小數遷兵燹地保全均賴祖宗靈
園開鶴徑亂石白天入鯉山雙角青
依舊素衣歸舊隱他年應忝聘君亭

癸丑上元日試筆寄示外甥俞堇

年踰富貴五看燈
拙守丘園兩謝徵
石上履聲多在竹

月中吟影澹涵冰
清溪道士居相近
錦里先生醉自稱

歸淚若沾原上土
松風

君山有松風亭

長嘯學孫登

過趙彥溫青壁茅齋

奈薛秀壁參錯輝
隱者靜坐敞窗扉
長松不見薜開落
獨鶴自與雲來歸
銀潢雙星月露爽
黃葉千家煙火微
便當老袖鐵如意
莫爲珊瑚輕一揮

題阮德剛祈澳草堂

草堂山水競清輝
妻織兒經母在闈
榆柳蒼陰嬉鬪角
荇芹泥暖樂烏衣
羈孤恨缺蛇珠報
同姓恩深犴獄歸

不貴榮名唯隱德靜中風雨亂花飛

錢士脩辭學職歸養地主徐去奢為營草堂詩以

賀之

博士辭歸奉二親東家為築草堂新殺雞作黍歡難得
走馬看花夢不真風雨倒衣蒸候且林塘操杖從行春
閒觀令伯陳情表不獨才高行最純

寓隱烏涇之五年獨酌梅花下時仲女歸同郡許

梅

老榦危柯屈鐵盤舉杯今日始成觀林坳北斗低垂象

花外東風淺帶寒緣徑盡添苔石立傍池猶少草亭安
身蘇荐有門闌喜醉裏從圍萬玉鸞

謝鄉友黃叔彝見寄詩韻

別來寧復句驚人靜得堯夫意味真弗記馬卿煩狗監
尚論李賀泣蛇神山房石枕新秋月海甸風低薄暮塵
叔度平生襟量遠不無歸楫再勞詢

日本月干江長老攜其國僧齋竺峰級禹門徵詩

二首

日本盤盤瀛海閒夜分先見曙光殷毛人傍帶窮荒鳥

富士高瞻奠枕山開國使來東漢觀遊方僧詫大唐還
徵詩慎說雞林售不欲貪名著百蠻

中州風氣海溟分島宅鮫居被大雲鳥篆不遭秦烈火
祥光曾託宋斯文具琛歲入諸夷貢草木春隨大地薰
聞道頻年亦兵革好將無諍論邦君

題趙氏雪霽還松江圖

霽雪丹徒道歸舟白下門始懼懷璧罪終感賜環恩
海沙迴合金焦翠殿奔冰梁窺馬倒浪屋駭鼉吞寒薄
征裘弊春隨挾纒溫老親雙喜色諸幼幾啼痕茂

花外東風淺帶寒緣徑盡添苔石立傍池猶少草亭安
身蘇荐有門闌喜醉裏從圍萬玉鸞

訓鄉友黃叔彝見寄詩韻

別來寧復句驚人靜得堯夫意味真弗記馬卿煩狗監
尚論李賀泣蛇神山房石枕新秋月海甸風低薄暮塵
叔度平生襟量遠不無歸楫再勞詢

二首
日本月干江長老攜其國僧齋竺峰級禹門徵詩

日本盤盤瀛海閒夜分先見曙光殷毛人傍帶窮荒鳥

富士高瞻奠枕山開國使來東漢觀遊方僧詫大唐還
徵詩慎說雞林售不欲貪名著百蠻

中州風氣海溟分島宅鮫居被大雪鳥篆不遭秦烈火
祥光曾託宋斯文具琛歲入諸夷貢草木春隨大地薰
聞道頻年亦兵革好將無諍論邦君

題趙氏雪霽還松江圖

霽雪丹徒道歸舟白下門始懼懷璧罪終感賜環恩
海沙迴合金焦翠殿奔冰梁窺馬倒浪屋駭鼉吞寒薄
征裘弊春隨挾纒溫老親雙喜色諸幼幾啼痕茂

餘燼平原認故村

村名在機山

賀聲連凍雀生物迨孤豚敢

鑰官迂駕居鄰叟抱尊疎梅微徑曲亂葉古牆根煙碧
新鑽火雲紅獨照瞰張儀談舌在王獻舊甃存幸甚家
全樂嗟夫野斷魂乾坤枯樹賦暮夜翳桑殮陰德孫敖
衍仁風竇十敦憂忻繫斐作圖畫示來昆

陸宅之進士挽詞

有引

諱居仁明詩經嘗中鄉貢隱居教授
云辯如懸河思如湧泉斗酒百篇倚
奇材之劔客蕭灑如錦袍之謫仙第

三寸擊楫而快一鞭於斯二者子將奚先

遊戲清真帖優長雅頌文世方趨趙孟天竟滯劉蕡教
施河汾雨身浮澱泐雲飛花時事革過鴈訃音聞有女
哀扶櫬多予望薦芹陋容看轉老空辱許奇勳

謝木仲毅員外過烏涇別業 有後序

歸耕全晚節懷舊過寒簷不解吳儂語猶森蜀將髯名
公書早佩繼母誥生霑三仕風塵屬千艱水陸兼獸車
畋北遠魚飯味南厭芝嶺歸秦皓桃源記晉潛銜才紛
彌戮昧識總申鈐世事忻相遠春杯約細拈

毅西域人少喪母繼母諱馬麻哈同撫育若已出及
毅貴皇封為宣人毅性周謹事上泣下非禮法不陳
道中臺丞王公德謙特書賜循理二大字以南省使
累遷長兵曹幕去亂遠引今為農海上於予篤交好
云

檢校蔡公挽詞 有序

公松人諱廷秀字君美由郡諸生試吏調江陰擢浙
憲奏差累陞從仕郎浙省理問所知事承務郎袁州
推官中書左丞烏古孫良楨為江西省檢校及命下

公已遇害初斬寇犯袁土豪率丁壯張官兵得版授
同知州事貪虐不道守將計殺之殘黨匿山谷者遂
導寇覆陷袁公被執三日口不絕罵死平生博學器
識沈毅儒先德若子方陸牆東益之許白雲竝友重
焉江陰別業一區田六頃馳立義塾部使者以聞賜
澄江書院額中祠九峯先生以考檜巖教諭封江浙
副提學配享虞文靖黃文獻二公爲記尤好詩送閩
人之巡檢云旌旗小小將軍隊行李蕭蕭郎罷船袁
州宐春臺云一水白隨鷗鷺去萬山青逐虎龍眠士

至今傳誦逢忝交忘年一夕兩形之夢因追述梗概
附詩右寄其弟與子壻之在松之趙屯者詩曰
甲第歸鄉校詩書長法家不遑虞薑尾曾快扶鯨牙
水菰駢實袁山草亂花新秋夢如在惟覺鬢增華

題訥無言長老如幻稟

有後序

光孝師重見春秋八十餘坐忘寒漏永吟入暮鐘疎囊
剩曇花鉢珠收貝葉書期予繼晉社飲酒論真如
至正乙酉師自法際遷主吾鄉光孝予時甫壯數遊
從山水閒後予挈家海上師亦退隱崑之福嚴書問

嘗一往還及今重會曦南仲會海禪林論心道舊蓋
三十年矣南仲且謂師亂中衣貲散沒略盡而道行
益精進近閱大藏經獲赤白舍利二居士交彌久不
可無贊述也師既出如幻橐觀焉予遂題八句於左
送章庠景序遷祖衣冠葬父櫬還鄉中敵山先隴
不負詩書業躬遷祖父喪丹砂書翠表金井銅黃腸日
月新臨照風塵舊痛傷縣公敦孝理廬墓有輝光

聞楊鐵厓提學凶問有麗則遺音賦一卷行於世
蚤躋龍虎榜晚赴鳳凰臺世賞遺音妙天全老病回鐵

厓風撓木元閣雨生苔不得門生狀聊茲寓一哀

寄張長年員外

隴上一齋廬身全謝病初高秋哭子淚晚歲絕交書瑤
水周巡遠蘇臺越戰餘晨星挂霜木東望獨踟躕

同斯道成上人過邵灌畦

園綠抱清潯風煙似漢陰繭絲隨地少膏澤荷天深對
食希顏蠅躬鋤鄙華歆經遊坐木下閒說故侯心

題鄉友趙覲宗弁雲亭舊隱圖宋燕龔王十二世
孫

田野俗新諳茅堂巧背含雷春
美石蕨霜冷釀庭柑封
冊猶存堊歌詩總系南圖披
舊風景歸思滿江潭

送謝瑛子溫扶父草池府君櫬還葬天台

父櫬賓賢里家山夢月樓
脫駢風稍競正首願方酬雲
履無危石風帆少逆流
孝心神所助好認魯王丘

送徐嶧元桐還蕭壩

世亂同我出時清先我歸
寒燈伯淮被春饌老萊衣
異縣免葵長故山猫筍肥
朋游若見問五十未知非

題嚴韡德華北涯釣隱圖

雲閒水北涯釣隱屬嚴家
七宿低喉舌重洲倚輔車
鶯窺遲暗柳魚避急飛花
笑謂垂綸石蒼苔幾歲華

題青田王伯梁妻陳氏懿恭孝節卷

肅雝遵姆訓孝節著儒門
粹質猗蘭佩幽光苦竹原
史稱巴里寡詩鄙衛風奔
甥館忻承祀冰霜耿淑魂

贈河南理幕沈易之

有序

易之名易松人嘗爲淮安分省幕史
旣念二親遠且老將辭之會省臣
叛易側身走洛謁河南王超擢理
問所知事然孝念不可奪乃去授
徒淇上日唯蔬食

夜哀籲於天庶願親安身得歸也閒就葛溪權衡學
河南失守衡流寓青齊閒易依焉一夕遇海舶適風
迂甌越以歸而親俱康健卒如侍養志因贈詩曰
去叛官洛下全生歸海濱中心兩會閔昨夢幾桓花草
色一簾綠書聲鄰巷聞山人忝執友詩以勞艱勤

贈沈氏雍穆伯仲楊鐵厓傳附

喪亂苦多門私賢爾弟昆詩書三世澤孝友一家邨月
細哀猿抱風高駭鹿奔尚遺流矢痛堪弔不堪捫

丁未夏四月三日淞島兵變禍擬城邑邑士沈騰氏

挈妻孥走草野二子雍穆守家廟不去悍卒排闥入
二子走發二矢穆中臂雍中左髀仆戶外卒復引刃
擊其項背穆以身障雍跪訴曰吾兄儒者爲鄉社師
不可殺某不才請以代兄死兄亦訴曰吾弟力田養
吾親不可殺寧殺吾儒孺兒卒感而止曰弟義兄友
殺之不祥遂兩舍去前進士楊維禎錄之曰在古兄
弟直盜爭死有倍壽焚戰有襄萇鹿幼有肱江讓肥
有孝禮豈誠不愛其身哉身可滅而天不可滅也吾
聞張氏亡其臣有相率而死曰滕氏榛杌也海獠弄

兵兄弟有爭相死而不死曰沈氏雍穆也滕氏死以忠沈氏生以義忠義一天也顧世有利害未一髮而遽以食其天嗚呼吾不知其何心也嗚呼吾不知其何心也

題陸績曾祖諱大猷號翠巖自題佚老堂詩後翠

巖宋學官元初忠武王版授江浙提學不就以隱

德終

佚老堂無恙居然見典刑心存趙氏日跡隱謝數星金玉餘清響蘋蘩只舊馨分湖酒春綠思過翠巖亭

寄李元直待制

有序

元直名秉方李忠介公諱黼之子也廕授同知常州會中吳陷俱億無錫官兵予避地次嘗一言爲贈旣無錫亦陷元直與郡總管完顏以義丁合宜與分帥嚴蒙古不華騎步卒退保陽山其地阻湖憑險順逆不常至是山岷委心勦力戰拒張氏凡十六月張隆浙省朝廷錄功嚴拜浙省參政完顏擢浙憲使元直待制翰林南北使往還數承記問因賦八句以寄虎穴子俱斑陽山試百艱不圖黑痣地如在玉門關壁

立孤危影天回咫尺顏絲綸煥五色思睹水雲間

哭雲閒衛叔剛

有引

叔剛諱近仁好學績文敦孝友行嘗遊吳興守將候
見之送餼米百斛既舉幕官竝辭太尉闕延賓館幣
使聘焉亦謝免或問所存曰所薦非正人所依非真
僕吾得裘葛老余山墓側足矣惡用虛名致實禍爲
哉祖諱謙元初以宋資政殿大學士宗武後授溫州
路治中弗就父諱德嘉湖州路儒學正失儷二十有
八年不二娶養高詩書里中幼而壯者罕識其面叔

剛年四十七卒予素友重特冒風雪送葬不果及晴
畢葬乃系之引哭之詩曰

有慟名臣裔嘗辭太尉招珮閒寒水玉歲老故山苗臨
帖烏絲盡聯詩絳燭消遺餘行卓絕足礪俗浮澆

寄林季文周叔彬二進士時訓松庠弟子員

才名江記室鄉校趙衙推上下牀無閒東南運載移鵠
袍聯射圃魚飯獨經帷九折王陽坂應同老鈍辭

寄徑山淑象元長老

秀爽東西目行峯五葉分翠虛靈鳥道水殿毒龍雲異

茗先雷擷疎鐘渡瀨聞禪林肯相見來閱大蘇文

寄朱仲威編修

名桓常熟人力學負志張氏有吳中桓航海上海於
朝授編修官復朝服極言上儲宮不報竟以憤疾卒
使臣傳爾信南土盡稱奇蠟烟通宸極魚須撼震維暑
風行瘴遠寒斗轉杓遲正好輸忠赤騎驢莫咏詩

謝邾仲義進士寄題澄江舊橐

其詩附

釋褐平生友郎官辟其辭復形椽筆夢過頌權歌詩樓
蜃雲霞錯沙鷗霧雨悲歸舟阻習險上稚莫吾期

牛山昔拜少陵像謂公詩與元氣侔後五百歲無繼
者元氣茫茫散不收我朝詩派因中州氣節首推劉
靜修宋季陋習茲一洒天運亦復詩家流楊趙馬范
虞揭歐金華莆田誰與儔亂來風雅久衰落喜向澄
江聞權謳澄江席冒同羊裘風塵之表從天遊每和
君山老父笛不換華頂仙人舟有時擊節驚陽侯百
怪莫敢窺十洲鯨波可蹈惜沈劔鼉嶠欲踟思連鉤
澄江浪高江月浮江神迎權風颺颺雲機上割天孫
錦底用枯槎橫斗牛放歌濯足銀河秋洞浴不為澄

江雷誰道澄江淨如練我視澄江真若漚此日相遭
東海頭東海纖塵生我眸醉擊珊瑚碎蓬礫笑委鮫
珠輕博穀俗淫世靡吾所羞孤鳳默默羣鳥啾夏舫
一扣海能小祖楫載誓天何尤澄江櫂歌歌未休凝
碧管弦非所憂君詩非予得稱好贈言請視今汪周

哀高照磨 有序

奉符高孝子名自松入池遷父照磨公葬將歸附先
隴也予嘉名孝常贈詩一日拜予且泣曰名家本汴
大族高曾祖竝仕金節度使子孫散處青齊先君晚

祿下位蘊弗大施歿於亂平生行義粗具池陽洪仲
遵九江僧觀空海序文敢復以哀詩請公蓋岑諱長
卿字性剛潔遇事不阿撓俗號別別方子初為掾集
慶會大夫納麟建議溧陽二州漕粟舟繚二千里始
抵龍灣候海運民病之宜興距二州百里聽民陸輦
置倉便公於是將命中書往復論列利害幾二載不
以艱寔受攬輸豪氓所賂神疲慮殫克允厥猷者公
之力也既調池民有以筭密藏銀筴十雙用報德覺
焉怒民挾筭退兵興達識丞相以分帥曲律薦版授

池州路照磨軍缺儲禮勸義激巨室咸惟命時至正十五年也越二年江北南皆敵境池最後陷曲律被執不屈死公尚督戰備於外聞池不守遂隱九華復徙建德明年卒其友陳中殯之敬哀以詩曰

白首操冰檠青衫困簡書日迴戈浸遠山采蕨無餘多士文潛德遺民式葬墟兒賢天所報骸骨遂歸歟

送黃黼成章還穎上別業兼示其弟黻

鉅室隨王運憐生亦播遷關山孤漢月草木慘淮煙哭母千行淚存心一寸田天風動穎水急買載家船

題沈秋田推官續言行錄 有後序

言行何人錄歸田沈節推備存忠厚意非出見聞私天遠青雲鶴山深白石芝兩生高漢史猶恨姓名遺

逢式觀是錄誠一代明良之士為多可稱者焉若大

德辛丑秋七月颶風海鹽水暴溢旌倪驚奔官屬備

舟遁知州于宏毅 浩卿 獨朝服臨海拜籲天曰邑以

淪鋪某將安往乞死於此語竟反風水復故道時江

陰尤甚編氓胥漂溺避而存者纍纍咸告飢州聞於

省未報知事宋仲仁 春卿聊 亟發廩賑之曰八七日

不食且死躡位矯令惟某罪省檄果逾月始下史繩
武正翁眉山人主簿淦之興國也適三月至七月旱民有
陽八死者兄陽坐訟連八十五人賊七千五百緡繩
武察陽八爲盜被殺坐實首惡遂伏辜所連獲釋是
夕大雨阿昔治中之在信州也故掾嘗輸庫鈔江東
宣慰司道鄱湖寇掠之繫責二年鬻妻孥莫能償阿
昔首捐俸諭諸掾助免它如竊木當笞木主賂隸雜
大杖俄一犬前銜杖俛首若訴其燭枉宥罰因知母
缺棺竊完之者分水縣尹趙珍也國瑀建德人所至署僚

吏姓字蒐延遺老咨詢治效凡言某善朱加點某不
善墨加點朱墨半者覈必精惟朱多者衆毀弗信墨
多者交譽弗納則浙西憲副霍肅也清甫廣平人黠吏示
以威懦民接以和故獄絕舞文庭無冤訟則燕允賢
推官子初太原人介潔素礪非辟冈干與宴誦節南山之
詩妓樂屏去一座肅容是又皇甫錄事竝美嘉禾也
洎乎陝西行臺治書侍御史馮翼君輔南康總管汪從
善國良錢唐人賓師有王子復病卒從善殯如禮仍撫諸
子女悉爲嫁娶不失所翼甄拔士類雖陋居委巷往

往紆轍顧問或笑之輒謂曰苟貴乎學則閭閻翕然
胥化矣嗚呼四海之大累朝之盛上而省臺下而郡
邑政事先治體言行關風教者何限而秋田之錄僅
若干人固不無遺賢之歎亦其耳目所不逮也歟予
撫其尤者表出之則庶乎秋田一念之誠不泯矣

儉德堂懷寄凡二十二首

各有小序

李一初名祁茶陵人由進士累官南臺御史會亂歸
隱

儒臺一別後二十四飛螢不見重華日空懸執法星紅

綾譜舊味阜帽送餘齡想像龍魚舞鈞天奏洞庭

完哲清卿江陰上萬戶贈都元帥丑斯公之弟泰州
不守以材譖擢萬戶累遷福建參政亂後歸養吳中
喪亂無全室歸吳有大參五湖孤枕月百粵萬山嵐故
國龍移鼎高堂雪滿簷雕籠綠毛鳳默默夢閩南
買住昂霄以江陰副萬戶累遷中政院判官福建憲
僉會亂遂航海歸隱以孝聞

郡邑更新署江山識故侯寸心天北角百指斗南陬月
殿金猊曉霜輶白鷺秋書來悟前夢甘膳爲親謀

鐵穆公毅由進士累遷通顯今隱居教授海上

府倅今梅福詞場老益豪自戕悲二俊遠引慕三高甌石餘儲粟宮羅剩賜袍垂虹月千頃蓮葉擬同操

長吉彥忠今姓張由進士擢宣城錄事亂中奉母慈溪黃氏客授雲閒酒伴謂謝西墅也

一命參軍老長年曲逆貧獨行歸烏暮躬省蚤雞晨甲子書茅屋庚申夢紫宸南鄰酒伴去惆悵碧桃春

鍾伯紀名律汴人由鄉貢進士擢儒學官前後徵辟竝疾辭有大學補遺行於時

故人辭聘帛海上閉柴荆絕口吳三俊終身魯兩生歲時羞蒹藻風雨夢英莖尤喜春秋學相將補缺成

張光弼名昱廬陵人以材猶累遷判樞謝病隱西湖上

忍灑新亭淚重經行路難新醅鸚鵡暖短髮鷄鷄寒詩法高常侍仙尋賀長官西山遂隱跡雲石紫芝團

刺馬當文郁西域人由父蔭累遷南臺御史今寄跡全真教中

清脩馬道士憶過小林丘脫略青驄迹追隨白兔游君

親心獨耿河海淚同流好在醫闈北徘徊紫氣浮

觀同用賓蒙古人由中舍拜南臺御史彈經略使忤
旨左遷江西省都事不赴隱居海上

伏自彈經略西遷遂退休筋挑銀膾縷心覲玉螭頭一
氣分光岳三河潰薊幽青門種瓜老終系故秦侯

張鳴善名擇湖南人以晦迹擢江浙提學今謝病隱

吳江

薦書三十載垂白廣文官冀北心肝熱湖南骨肉寒病
辭新主聘老託故人安著就先天學何時一細觀

石伯玉名瓊以松江萬戶嘗分戍大信亂中歸隱

山

亂中歸老馬隴上佩童牛故國金吾夜荒山白帝秋驚
心木稼出送目海漸流卻喜甘藜莧三年免楚囚

邵克忠嘗爲南臺掾今隱居吳江寺

獨客長依寺何人共戴天餘生歌激烈闔室夢團圓淮
水深蟠楚南風直過燕蓮花遠公漏自屬一山川

許北郭名恕子鄉人善醫部使者薦授澄江書院山
長

有懷吾北郭隱趣遂歸心樓幌含芸氣庭除入杏陰
藏堪痛友金贖久亡琴誰爲銘先碣東風俟德音

魯道原名淵淳安人由進士累遷浙西副提學張太尉稱王擢博士今召拜官竝辭還山

我采雲閒藥公歸白下船相期文苑傳獨立義熙年北斗橫山閣西風熟隴田季長門地盛曾不讓彭宣

王伯純名嘏河東人由鄉貢擢儒學正張太尉辟常熟教授辭嘗護祖父妣三喪自惟陽還葬洪霍山鄉里推重

中原飛鳥盡南服大星流衆獻荆山璞君添海屋籌遺經牛角挂濁酒鴈前籜洪霍山圖得方牀日臥遊

倪元鎮名瓚無錫人善詩畫亂前棄田業縱遊山水隱跡懷東老詩狂慕浪仙百壺千日醞雙漿五湖船書畫通芸閣征輸歇葑田鄉評有月旦未覺虎頭賢

吳子中台人以父廕主簿會亂不屑仕東西藩歸隱卒

竹梧疎繞堂爛月晒新霜顧影衣殊短論心酒故長嗣宗狂八晉昭諫義存唐一別音微隔天涯獨鬢蒼

杜好古名敏宋祁公裔世隱龍江累謝儒辟

衆謂迂尤甚私欣學益敦無田安古屋多病老孤村瓔
檜垂當戶苔梅巧映尊題名幾狂客醉墨滿牆根

吳士益名惟諒同里人宋八行先生有碑在郡庠

不屑三家仕真爲八行孫水雲菰米澤烽火棗華園良
馬寒辭坂靈烏暮識村還期巷南北相送月過門

程煥文禮部員外以文先輩之弟卜隱吳山

禮部程公弟論交喜白頭生涯詹尹卜足跡子長遊雲
石芝三秀乾坤海一漚尚懷氣忼慨歷說舊諸侯

隱中山嘉定僧嘗主佘山聰禪師道場有和二體唐

詩

海曲黃金地重來半八田軒餘聰老月漏水遠公蓮慧
眼空神駿詩懷耿杜鵑期同訪蝦子春水綠移船

彭素雲中州人郭梅巖西江人竝學全且有道行

彭郭上清班相望高世閒木龕雙石壁櫻屨萬雲山軒
崑泥塗底詩書桎梏閒鄉園數形夢欲借羽車還

挽夏老圃

正佩藍田約俄違菽水歡月評無許劭雨過失蘇端鳩

靜看松杖驂閒度柳鞍交盟在諸舊不為死生寒

重遊澱山

鼇戴小蓬萊方諸宮影開厓根龍洞關山脈虎丘來疎
磬重煙水殘碑半雨苔因之懷故國遊鴈落清哀

題任叔達母俞姊俞婦雙節堂卷其曾祖開吳淞

有功

龍江任孝友母姊重雙金寒月斜銀櫺晴寬卷素衾旨
甘今日養節苦半生心後大母勞卜吳淞祖澤深

長倩無錫許輶茶陵書至報及李一初御史卒

甥館家書至儒林訃問俱節存陶栗里醇近董江都斗

角文星滄禹中舊月孤追思與班老班提學堂下接王

符

癸丑九月松府遣徐掾具舟再辟復謝免口號簡

徐

采藥去柴荆周旋荷友生府中將命重月下返舟輕鸚
鵡籠無奈鷄鷓響若驚于山兩猿鶴蕭灑歲華清

寄和柏雍中舍并簡其弟柏顏太祝

王父登青竹郎君謝紫薇庭容駟馬臥目送一鳶飛躍

冶金俱爍韜山玉自輝情親有仲氏辭祿亂前歸

續夢中詩

高閣俯通衢長垣帶碧梧風生捫虱論山對問牛圖時
世常憂戚神明或感孚鬃瓢果吾貸先擬澤焦枯

松府行鄉飲禮宗倅致書使枉招不果赴為寄一

首

賢倅黃堂暇書函迨布衣義敦鄉飲酒禮過士招旂浦
暖鷗波灩園春藥草肥行過子游室就送長卿歸

松守王蒼厓遣儒職問候口號

宗長優為政勞賢問子桑八城笏力短遯野漏聲長悵
望陳懸榻欣聞葢舍堂宋織世或有五馬賁輝光

題柯博士敬仲宮詞後宮詞附

帝作奎章儼石渠花明長日幸鑿輿丹丘詞氣凌司馬
封禪何如諫獵書

萬國貢珍羅玉陛九賓傳贊卷朱簾大明前殿筵初
秩中貴先陳祖訓嚴 傳宣大府頒宮錦近侍承恩
拜榻前製得袍成天未曉著來香殿賀新年 官家
明日慶生辰準備龍衣熨帖新奉御進呈先取旨隋

珠錯落閒奇珍 四海升平一事無常參已散集諸
儒傳宣羣玉看名畫先進開元納諫圖 天街女樂
擁祥煙梵座春游浹管弦齊望綵樓呼萬歲柘黃只
在五雲邊 黃金幄殿載前驅象抹駝峰盡寶珠三
十六宮齊上馬太平清暑幸灤都 萬里名王盡入
朝法宮置酒奏簫韶于官一色真珠襖寶帶攢裝穩
稱腰 玉盃調冰涌雪花金絲纏綫繡紅紗綵牋御
製題端午勅送皇姑公主家 珠宮賜宴慶迎祥麗
日初隨綵綫長太史院官新進歷榻前一賜諸工

皇心簡注勳臣舊未有人知擬拜除宣索彩牋濡
玉筆榻前先命小臣書

古官怨四首

萬年枝上月團團一色珠衣立露寒獨有君王遙認得
扇開雙尾簇紅鸞

十二瑤階入鳳臺梧花開盡鳳當來夜深不敢吹橫玉
璧月珠星繞上台

雨餘螢冷入秋衣織女星明婺女微二十五弦香殿裏
一聲聲作鴈雙飛

誤報迎鑿出禁宮階前草是鴈來紅玉顏豈就秋枯落
萬一和親在選中

寄題穎上賈歸治惟敬所寓咏軒

五弦絕響二南衰歎息蘭芳繼黍離羨爾不隨淮枳化
客軒長咏考槃詩

凡作詩忌俗欲清忌熟欲生忌肉欲骨骨去露生去
怪清去薄本之六義參諸經史百氏詩道備矣予嘗
以是訓子弟今惟故篤志於詩漫錄絕句後士之才
者來游軒中尚采擇焉

士女圖爲大同張履謙題二首

淺傅蜂黃澹掃眉小峰平苑幾細思落盡梅花折盡柳
祇因直管卻橫吹

不字佳人玉氣溫那知長信月過門分明畫是平生夢
一扇薰風一扇恩

雜題

洞塘昨夜綠波增偶策交州鬼面藤一雨百花香洗盡
流春砑上立魚鷹 紫桐生乳竹含胎草細花幽石徑
回獨自去來人不覺茶煙風颺過池臺 几杖琴尊共

一丘燕歸巢近午香篝游絲不挂山人眼直趁東風入
別樓 越羅衫子暮春裁席帽飄蕭映水苔人事暗隨
塵裏去天光倒向鏡中開 浴罷香分碧鬢瓜池臺深
坐轉風車不將鐵杖穿林過恐有月中金背蟄 閒身
日放石林中退髮朝隨野水東猶有未灰心一寸小池
量雨愧神功 長夏徐行野水澹蝦跳鯁舞樹交枝雲
文風色殊千萬靜裏天光日影隨 紫豔薇花月晦冥
翠香荷葉露晶熒偶因石几流螢過微見瑤徽一兩星
變風變雅不圖聞菌桂由椒徧地芬一片古懷人不

解竹光涼動九疑雲 榴房風拆瓠犀開柿影離離葉
滿苔雞黍近無丘嫂作清談初爲阿戎來 水涼風撓
一池荷睡眼醒來手自摩數席雲陰亂疎樾暑孫驚報
鶴羣過 歲晚無他靜是謀幾微詩興欲全休雀銜竹
葉風頭過魚戴冰漸日影游 藻池岸匝水仙開滿面
香飄玉鬢梅遺事罷書山館寂鼠狼行過雉雞來

蕉石士女爲眞定呂子敬稅使題

翠石巴且競爽清玉階絳縹綺紉聲佳人的是姮娥影
一片團圓故國情

許由還山圖為李生守道題

不是長辭萬乘堯還山高挂樹頭瓢九年百姓顛連苦
莫過江鼉海蜃驕

山居雜題七首

白雲不歸青山空女蘿水上桃陰紅扁舟無事臥一覺
滿面春光如醉中 石窪明月手可抔松林無風聲自
流山人素志非懶出白雲常在青雲頭 燈花滅明香
散簾藤子亂落秋風簷詩書百氏束閣上箕尾一星傳說
騎漢南 茶鑪無煙童未還白鶴思靜青松閒流泉不

放澤下士日夜琴調鳴空山 野鹿角解山澗坳老樵
視如石樹梢雨巾風瓢乞我挂苔以仙脯天廚肴 山
翁了了玉匱文客來掩耳事絕間笑指丹霞與白石酒
材萬甕羊千羣 偶從道士飲碧螺手把桐角吹山歌
千壑萬谷響應答天風黃鵠雙飛過

贈朱克用嘗受知文宗於潛邸為說書後官千戶

荒茅苦竹兩江閒蹋獸輕車其往還老作孤臣重歸國
忍聞神女度巫山 布衣染翰侍明光時忌翻為執戟
郎最是聖恩忘不得誤題詩句滿宮牆

江邊竹枝詞 有序

予童州年輒聞里中山謳水調如游鯉山高天客人
之句不一狗叫沙在蔡港西北歲產菽茅官為薄賦
予家分佃頃半庚辰冬因取其八過嚴氏子恪甚秀
敏得陪游望沙與蝦蟆山鞅浦相連告以水調遂撫
舊聞釐正之得十首書遺恪云

游鯉客山高刺雲天門山小舊稱君插江鷺鼻移沙脈
愁殺浪撞黃歇墳 亂石呀聲大小灣石中無王作
連環楚江風浪吳煙雨翠鎖脩眉八字山 馬沙十

八里江程潮落潮生船送迎南來士氣漸吳習北下農
謳變楚聲 社酒吹香新燕飛遊人裙幄占灣磯如

刀江鱗白盈尺不獨河鮑天下稀 南北兩江朝莫

潮郎心不動妾心搖馬沙少箇天燈塔暗雨烏風看作

標 北望大江南望城席帽馬鞍並山名屏障橫儂是

小山漁泊戶水口風門過一生 石筏橫津蛟莫窺

近山張弩或眠旗儂作神衫與神女祈水祈風郎不知

巫子驚湍天下聞商人望拜小龍君茹蘆草染橈

紅紙好剪裁波十幅裙 潮落蟆山連狗沙黃泥鞅

浦趁江斜阿儂十指年嬌小曾比箇中春荻芽
山望五狼風不淳狼邊人接販私人那得椎狼葬天塹官
賣賤鹽郎貴身

題荀陳德星圖

難弟難兄配八龍太丘不讓朗陵崇誰知羣彘心忘漢
不及曹家阮嗣宗

時苗留犢圖爲維揚林彥初題

壽春父老送車音黃犢寧無舐愛心不是縣公沽激過
建安風氣異桃林

壬寅歲經時宰別第

柳煙花霧暖成圍蜂蝶交飛滿畫闌舊主未歸新主入
春光都作夢中看

聞蛙書事

有引

先朝不魯罕皇后出居東安州日其地多蛙既遣人
諭旨蛙遂屏息迄今不鳴

翠幃文茵紫罽車東安有旨禁鳴蛙如何信及豚魚類
青草閒門度月華

題王冕墨梅

有引

冕會稽狂士少明經取科第不中遂放曠江海閒士
之負材氣者爭與游嘗羈牛游京城名貴咸側目平
生嗜畫梅有自題云冰花箇箇團如玉羌笛吹他不
下來或以是刺時欲執之一夕遁去

霜落銀河月在天美人松下鬪嬋娟一枝倒影吳牛角
曾比知章踏酒船

真氏女二首

有序

牧菴姚承旨一日玉堂宴集諸姬奏伎有真真者或
作南音問之泣曰女童建寧人西山之後也父嘗筦

庫濟寧坐償官負故粥爲娼家息公惻然遣使白丞
相三寶奴命去教坊籍公遂呼翰林小史曰汝未婚
以真女配汝吾卽其父也予友貝廷琚賦長詩意有
未足用補二絕

筦庫曾無升斗糜倡優臧獲到妻兒何由學士身千百
不著陽和獨見私

處妾茲晨洗豔容嫁承當代一儒宗斯文骨肉無疎遠
何得曹瞞反愛邕

